

## La carta de San Pablo a los Romanos

*Roma* cuto gãnare Pablo ĩ papera cõare gaye

<sup>1</sup> Ñati Roma gãna mũa. Yũ ña Pablo, adi mũare papera cõagũ. Jesucristore moa ĩsiri masũ ña yũ. Yũre besecõri Cristo oca masare yũ goti ucutoni yũre cũñi Dios. “No Jesucristore tũorũnũgũre ĩre masogũ yiguĩji Dios”, yi masare yũ goti ucutoni yũre cũñi Dios.

<sup>2</sup> Jane mejeju, “Ado bajiro masare queno ejabuagũ yigũja yũ”, yirocũ iti oca goti yucãyiju Dios. ĩ gotiado bajiroti ĩ ocare uca rotiyiju ĩre goti ĩsiri masare. Ito bajiri iti oca quenarise uca warã ĩ oca tuti ucayijarã ĩna. <sup>3</sup> Iti oca Jesucristo gaye manire riasoa. ĩti ñami Dios Macũ, mani Ʋju. Adi sitaju masũ rujũna rujeayiju ĩ. Ito yicõri David ñayoru janerãbatia janamiti ñayiju Jesucristo. <sup>4</sup> Ito bajibo jaguti Dios Macũti ñayiju Jesucristo. ĩ godaja bero Espĩritu Santo ĩ masirisena, ĩre mũcana tũdi ĩ catiroca yiyiju. Itire masicõri, “Dios Macũti ñami Jesucristo”, yi tũoĩa mani ĩja.

<sup>5</sup> Jesucristona sũoriti queno yiñi Dios yũre. Masa jeyaro Jesure ĩna tũorũnũtoni, ito yicõri yiro robo ĩna cũditi, yũre cũñi Dios. Ito bajiri, “Rẽtoro quenagũ ñami Dios”, yi ĩre rũcũbuorã yirãji masa. <sup>6</sup> Mũare cũni beseñi Dios. Jesucristo ñarã mũa ñatoni, mũare beseñi ĩ. <sup>7</sup> Mũa Roma gãna ñarocõreti adi papera cõa yũ. Bũto maiami Dios mũare. ĩ ñarã mũa ñatoni mũare beseñi Dios. Mani Jacũ Dios ito yicõri Jesucristo mani Ʋju mũare queno yijaro. Ito yicõri mũa ya usiju queno mũa wanũ quenaroca yijaro ĩna.

*Roma* cuto gãnare Pablo ĩ ti ãmore gaye

<sup>8</sup> Ado bajiro mware gotiswoa yu. Co cuto ruyabeto mua Jesure tuorunure gayere mware busisotiana masa jeyaro. Ito bajiro ina yija tuocori, “Queno ya Dios mu”, ya yu. Ito bajiro Diore busia yu, Jesus yure i ejabuarisena. <sup>9</sup> Coji ruyabeto Diore yu busija, mware yiari busisotia yu. Buto yu tuoarise narocnati i yiro robo Diore cudia yu. Ire yiro robo cadigu, i Macu Jesus oca masare goti ucua yu. “Roma ganare yiari yure senisotiami Pablo”, yi masiguji Dios yure. <sup>10</sup> Diore yu busija ito bajiro senisotia yu. I amoja mua taju co rumu ejaboguja yu, yirocu ito bajiro senisotia yu. Yoari mua tu warocu tuoasotiboja yu. <sup>11</sup> Dios gayere mware riaso amoja yu, yure i ejabuado bajiro mware cuni i ejabuatonu. Ito bajiro mware i ejabuaja, i ocare masicori buto busa tuoia oca seora yiraji mua. Ito bajiri buto mware ti amoja yu. <sup>12</sup> Jesucristore tuorunura na mani. Ito bajiri mua tu ejaconu mua raca baba cuti amoja yu. “Queno Jesure tuorunuma ina”, yi mware ti masicori tuoia oca seogu yiguja yu. Mua cuni ito bajiroti yu raca gameri busicori tuoia oca seora yiraji.

<sup>13</sup> Mua tuo masitoni adi mware gotia, yu maira yu. Coji ruyabeto mua taju wa amosotiboja yu. Yoari mua taju wa amobojaguti, iti rumuju mua taju eja masibiticu yu maji. Gaje cuto ganare yu riasoroca Jesure boca amini ina. Mua bajiroti judio masa meje nara nacã ina cuni. Mua tu nara cuni Jesure ina masitoni ejabuagu wa amosotia yu mua taju. Ito bajibojarocati mua taju ejabiticu yu maji. <sup>14</sup> Masa jeyarore riasore na yure, Dios oca quenarise gayere. Yu ya moare na, yu oca busirare riosore, ito yicori yu oca busimenare cuni riasore gaye. Masirare cuni riasogu yiguja yu, ito yicori masimenare cuni. <sup>15</sup> Ito bajicori Romaju ejaconu, mua tu ganare cuni Jesus gaye oca quenarise riaso amosacõa yu.

*Jesucristo oca nasarise na, yire gaye*

<sup>16</sup> Iti oca masa ñna tuorũnũja, jeameju ñna uabore ñarooca, ñnare masoguĩji Dios. Iti oca judio masare riti ejasuooyija maji. Ito bajibojarocati adocãtama no itire tuorũnũgũreti masogũ yiguĩji Dios ñja. Ito bajiri itire masicõri, Jesús gayere bojobicuti gotia yu. <sup>17</sup> Ado bajiro ña iti oca: “Jesure mani tuorũnũja, manire boca ãmicõri, ‘Queno yirã ñama. Ñe seti ma ñnare’, yiguĩji Dios. Ado bajiro ucare ñayija jane mejeju gaye: No Diore tuorũnũgũre, ñre boca ãmigũ yiguĩji Dios. ‘Ñe seti ma ñre’, yi tigũ yiguĩji Dios ñre tuorũnũgũre. Ito bajiri catitĩnagũ yiguĩji ñ”, yi gotia Dios oca tuti.

*Masa jeyaro seti cutirã ñama, yire gaye*

<sup>18</sup> Ado bajiro ña. Dios macãrucũroju ñagũ, masa ñna ñeñaro yirise, ñna riojo cãdibitire cãni, itire buto ti teguĩji Dios. Ito bajiro ñna ñeñaro yija, Dios oca quenarisere gãjerã ñna tuobitiroca yirãji ñna. Itire junisinicõri buto teguĩji Dios. <sup>19</sup> “Ito bajiro bajigu ñnaguĩji Dios”, yi masi jedirãji masa. Ñmasiti ito bajiro ñna masiroca yiñi Dios. “Ñeñaro yu yire waja quenabeto yu tõbũjaroca yigu yiguĩji Dios”, yi masi jedirãji masa. <sup>20</sup> Diore tibitibojarãti, “Buto masigũ ñami Dios”, yi tuoĩa mani. Dios mani masiroca yami, ito bajigu ñari. Macãrucũro ñ rujeorajũju, jeyaro ñ rujeore gaye ticõri, “Ito bajigu ñami Dios. Iti ña ñ rujeogore”, yi masirãji masa jeyaro. Ito bajiri, “¿No bajigu ñati Dios? Ñre ti bũjabea yu. Ito bajiri yure seti ma”, yi masia ma masare. <sup>21</sup> “Ito bajigu ñami Dios”, yi masi-bojarãti, Diore queno rucubũobisjarã masa. Ito yicõri, “Queno ya mu”, yire gaye yibisjarã ñre. Ado bajirojuã yiyijarã ñna. Rocati bajiro, tuoĩabojayijarã masa. Ñeñarise riti ñna tuoĩa rãtocũja, quenarise ñna tuoĩabojare gayere ãcabojayija ñnare. Ito bajiro bajirã ñari rãitĩari uci bajiro uci cutiyijarã ñna. <sup>22</sup> “Buto masirã ña guã”, yibojayijarã

ĩna. Ito yibojarãti masimena ñayijarã ĩna. <sup>23</sup> Ito bajiro tũoĩabojarãti, Dios catitĩñagũre queno rũcũbuobisijarã ĩna. Gajero bajirojũa yiyijarã ĩna. Masũ jogaroti rujũ robo bajiro meni rujeocõri rũcũbuobojayijarã ĩna. Wutirãre, jinnoare, ito yicõri waibũcũ bajirãre cũni rũcũbuobojayijarã ĩna.

<sup>24</sup> Itire ñeñarise gayere ĩna rũcũbuoja, “Yibesa”, yibisijũ Dios. Riojoti ticõayijũ ĩja. “Ĩna ãmoro bajicõato”, yiyijũ Dios ĩnare. Ito bajiri ĩnamasiti ĩna ya rujũ ñeñaro iti tũoĩaro bajiroti ñeñaro yi uayayijarã ĩna. Ito bajiro yicõri ĩnamasiti gãmeri ñeñaro yiyijarã ĩna. <sup>25</sup> Dios oca ñasarisere tuorũnũbiticõri, ruore ocajũare tuorũnũyijarã ĩna. Diore rũcũbuoado õno yirã, Dios ĩ menire gayejũare rũcũbuoyijarã masa. “Dise ruayabeto rujeoru ña Dios mũ. Mũ ña rëtoro queno yigũ”, yi rũcũbuotĩñacõrũja manire. Ito bajiro riti bajitĩñaja quena.

<sup>26</sup> “Ĩna ñeñaro yirisere jidicã ãmobeama”, yi masicõri masare ticõayijũ Dios ĩja. Romiajũa cũni, ãmũa rãca ĩna yibojarere jidicãcõri, ĩna romia comasiti yiyijarã ĩna ĩja. <sup>27</sup> Ito bajiroti ãmũa cũni, romia rãca ĩna yibojarere wasoayijarã ĩna. Ito bajiri, ĩna ãmũa comasiti, ruje josayijarã ĩna ĩja. Ito bajiri ĩna ãmũa comasiti ñeñarise yiyijarã ĩna. Ito bajiri ñeñaro ĩna yirisere ĩna ya rujũmasiti quenabisijũ ĩnare.

<sup>28</sup> Diore ĩna tũo ãmobitiado bajiroti, ñeñarise ĩna yijare, “Yibesa mũa”, yibisijũ Dios. Riojoti ticõayijũ. “Ĩna ãmoro bajicõato”, yiyijũ Dios. Ito bajiri ĩna yi ãmoriseti ñeñaro yiyijarã ĩna ĩja. <sup>29</sup> Jeyaro ñeñarise, yi uyarã ñama masa. Jeyaro ñeñarise yirãji ĩna. Ado bajiro baja. Tũote mũa. Dios rotirisere tũo tecõri bũto ñeñarise yirãji ĩna. Gãji ya gajeoni ãmotirã yirãji ĩna. Gãjire ñeñaro yirona tũoĩarã yirãji ĩna. Gãji jai bũsaro ĩ rũcoja, ĩre uorãji ĩna. Sĩarãji ĩna. Gãmeri oca josarãji ĩna. Ito yicõri rocati socarãji

ĩna. Ti tudirã yirãji ĩna. Gãjerãre oca menirã yirãji ĩna. <sup>30</sup> Bũsiturãji ĩna. Diore ti terãji ĩna. Junisiorise cãdirã yirãji ĩna. “Ñasagũ ña yũ”, yi tuoĩarã yirãji ĩna. “Bũto masigũ ña yũ”, yi bũsirãji ĩna. Ñeñarisere yirã, bũto tuoĩa rujeorã yirãji ĩna. ĩna jacũsabatiare yiro robo cãdimenaji ĩna. <sup>31</sup> Tũo masimena ñarã yirãji ĩna. ĩna bũsisũoado bajiro yimenaji ĩna. Ito yicõri gãjerãre ti maimenaji ĩna. Gãjerã ñeñaro ĩna yirisere, ãcabojo menaji ĩna. <sup>32</sup> “Ito bajiro ñeñaro yirãre jeame ãjũroju cõacuja yũ”, yicãñi Dios, yi tuoĩabojarãti ñeñaro ĩna yirisere jidicã ãmomenaji ĩna. Iti ñeñarise yi yũacõrã yirãji ĩna. Ito yicõri ĩna robo bajiro gãjerã cũni ñeñaro ĩna yija ticõri, bũto wanũrã yirãji. “Quena ña iti”, yi tirã yirãji ĩna.

## 2

*Masa ñeñaro ĩna yiado bajiroti waja senigũ yiguĩji Dios, yire gaye*

<sup>1</sup> Gãjerãre ti masicõri, “Ĩna ñama ñeñaro yirã”, yibesa. ĩna robo bajiroti ñeñarise ya mũa cũni. Ito bajiri, “Seti ma guare”, yi masia ma mũare. “Ĩnare seti ña”, mũa yija, “Yũre cũni seti ña”, yiado bajiro ya mũa. ĩna yiro bajiroti ya mũa cũni. <sup>2</sup> Ñeñaro yirã ñabojarãti, “Ĩna ñama ñeñaro yirã”, mũa yija, mũare cũni waja senigũ yiguĩji Dios. Masa jeyaro ñeñaro ĩna yirise waja, Dios ĩ senija, yiro robo yigũ ñami Dios. “Riti baja ite”, yi masi jedia mani. <sup>3</sup> ĩna robo ñeñaro yirã ñabojarãti, “Ĩnare seti ña”, mũa yija, ĩna robo bajiro ñeñaro yirãti ya mũa cũni. “Dios mani ñeñaro yirise waja, manire waja senibiquĩji”, yi tuoĩabojarãji mũa. Ito bajiro yi tuoĩabojarocati mũa ñeñaro yirise waja mũare waja senigũ yiguĩji Dios. <sup>4</sup> Mũa ñeñaro yibojarocati, mũa ñeñaro yirise waja senirocũ ãsiriobiquĩji Dios. ¿Ito bajiri, “Yũre waja senibiquĩji”, yi tuoĩabojati mũa? Ito bajiro meje baja. Manire ti maicõri,

mani ñeñaro yirise waja, waja senirocũ usirio yibiquĩji Dios. Ñeñaro yirise mani jidicãre ãmoami ĩ. Itire mani jidicãtoni yugũ yami Dios. <sup>5</sup> Diore tuo ãmobeã mũa. Ito bajiri ñeñaro mũa yirisere tuoĩa bojori bujabiticõri itire jidicãbeã mũa maji. Buto busã ñeñarise mũa yi rêtocũja, buto ñeñarise mũa tõbujaroca yigũ yiguĩji Dios. Ito bajiro ĩ yija ticõri, “Yiro robo yigũ ñami Dios”, yi masi jedirã yirãji masa jeyaro. <sup>6</sup> Masa jeyarore ñeñaro ĩna yirise waja ĩnare waja senigũ yiguĩji Dios. Ito yicõri quenaro yigoanare, queno yigũ yiguĩji ĩ. <sup>7</sup> “Yũ Macũre tuorũnucõri queno yirã ña mũa. Ito bajiri yũ rãca catitiñarã yirãji mũa”, Dios ĩ yire tuo ãmorã, quenarise riti yisotirãji ĩna. Ito bajiro ĩna yija ticõri, ĩnare catitiñare gaye ĩsigũ yiguĩji Dios. <sup>8</sup> Gãjerãma ito bajirã meje ñarãji. Gãjerãre tuo maibiticõri ĩna rucorisere buto mairãji ĩna. Ito yicõri Dios oca quenarise tuorũnumena, ñeñarise yi uyarãji ĩna. Ito bajiro ĩna yija buto ti junisinicõri, ĩnare waja senigũ yiguĩji Dios. <sup>9</sup> Ñeñaro yirã jeyaro buto tuoĩa bujatobiticõri ñeñaro tõbujarã yirãji ĩna. Cajero judio masa ñeñaro ĩna yirise waja tõbujasũorã yirãji ĩna. Judio masa meje cũini ito bajiroti ñeñaro ĩna yirise waja tõbujarã yirãji ĩna. <sup>10</sup> Gãjerã quenaro yigoanareama, “Quenaro yirã ñaĩ”, yigũ yiguĩji Dios. Ito bajiri ĩnareama gãjerã rucũbũorã yirãji. Ito yicõri ñe usiriobeto ñarã yirãji ĩna. ĩna ya usijũ queno wanũ quenarã yirãji ĩna. Ito bajiro, bajiro yiroja judio masare, ito yicõri judio masa mejere cũini, Jesucristore tuorũnucõri quenarise riti ĩna yijama.

<sup>11</sup> Mani yi ñasotigore ticõri, manire bese masigũ yiguĩji Dios. Judio masa, judio masa mejere cũini coro bajiroti ti maiguĩji Dios. <sup>12</sup> Masa jeyaro ñeñaro yirãji ĩna. Coriarã Dios ĩ rotirisere masimenati ñeñaro yirãji ĩna. ĩna ñeñaro yija, ĩna ñeñaro yirise waja, waja senigũ yiguĩji Dios, ĩ rotirisere masimena ñabojarocati. Gãjerãma Dios ĩ rotiris-

ere masirã ñabojarãti, ñeñarise yirãji ñna. Ito bajiri ñna cüdibitire waja, ñnare waja senigũ yiguĩji Dios. <sup>13</sup> Ñ rotirise tũbojarãti ñna cüdibeja, “Queno yirã ñama”, yibiquĩji Dios. “Quenarã ñama ñna”, yiguĩji Dios, ñ rotirise yiro robo cüdirãreama. <sup>14</sup> Judio masa meje cüni, Dios ñ rotirisere masibitibojarãti, coriajuri quenarise yisotirãji ñna. Ito bajiro ñna yisotija, Dios rotirise ucara tuti manibojarocati, ñna masirisena Dios rotirise ña ñnare. <sup>15</sup> Ñna rücubeogore ticõri, “Ñna masirisena Dios ñ rotirise ña ñnare”, yi tuoia mani. Ñeñaro ñna yija, yoari meje, “Ñeñaro ya yu”, yirãji ñna, ñna masirisena. “¿No yija ñeñaro yati yu?” yi tuoiarãji ñna. Quenarise ñna yija, “Quenarise yibu yu”, yi masirãji ñna. <sup>16</sup> Mani tuoiarisere masicãguĩji Jesucristo. Ito yicõri yeyoroju mani yibojarisere masicõguĩji ñ. Ito bajiri Dios, Jesure waja senitoni ñ cõari rãm, masa quenarãre bese masigũ yiguĩji Jesús. Ñ oca quenarise mũare yu riasoja, ito bajiroti iti oca mũare riasoa yu.

*Moisés rotirisere* cüdirã ñnari Dios ñnarã ñna gũa, judio masa ñna yire gaye

<sup>17</sup> Ado bajiro tuoibojarãji judio masa mũa: “Judio masa ñnari Moisés ñayorãre Dios ñ rotirise ñ cüre rücubeo gũa. Ito bajiri Dios ñnarã ñna gũa”, yi tuoibojarãji mũa. <sup>18</sup> Dios ñ yiro robo yire gayere masirãji mũa. “Dios ñ rotirise masicõri, quenarisere yi masia gũa”, yirãji mũa. <sup>19</sup> Mũa itire tuoiarã, “Dios gaye masimenare riaso masia gũa”, yi tuoiarãji mũa. “Ñeñaro yirãre quenarise gaye riaso masia gũa”, yi tuoiarãji mũa. <sup>20</sup> “Tuo masimenare, ito yicõri rĩaca bajiro tuoiarãre cüni riaso masia gũa”, yi tuoiarãji mũa. “Dios rotirise masicõri, jeyaro ñasarise masia gũa”, yi tuoibojarãji mũa. <sup>21</sup> Gãjerãre queno riasobojarãti, ¿no yija ñnare mũa riasoado bajiroti yibeati mũa? “Rinire, quenarise gaye meje ña”, yi riasobojarãti,

¿no yija muamasiti riniati mua? <sup>22</sup> “Manojo cutibojarāti, gājerāre yire meje ñaroja”, yibojarāti, ¿no yija muamasiti itire yati mua? Masa ña meni rujeorare ti tebojarāti, ¿no yija iti wi gaye gajeoni riniati mua? <sup>23</sup> “Dios ĩ rotirisere masia gua”, yibojarāti, ĩre cudibea mua. Diore cudimena ñari, ĩre rucubworā meje ña mua. Ito bajiro mua yija ticōri, gājerā cuni Diore rucubwomona yirāji ña. <sup>24</sup> Dios oca gotirise bajiro baja muare. Ado bajiro goti iti: “Judio masa ñabojarāti, Dios rotirise gayere cudibea mua. Mua ito bajija ti masicōri, judio masa meje cuni Diore ñeñaro busituama ña. Ito bajiri muare seti ña”, yi gotia Dios oca tuti.

<sup>25</sup> “Dios ñarā ña gua”, yi tuoīacōri pĩ gaja wirotasotirāji judio masa. “Diore mua cudija ĩ ñarā ñarāji mua”, ya ya. Ito bajibojarocati, wirotagoana ñabojarāti Diore mua cudibeja ĩ ñarā meje ña mua. <sup>26</sup> No Dios rotirisere cudiguti, wirotaya macu ñabojaguti, “Yu yagu ñami ĩ”, yigu yiguji Dios. <sup>27</sup> Mua judio masa Dios rotirise ucara tutire rucorā ñabojarāti, ito yicōri wirotagoana ñabojarāti Diore cudibea mua. Coriarā judio masa meje ñarā, wirotamena ñabojarāti Dios ĩ rotirisere cudirā ñama ña. Ito bajiro ña yija ticōri, “Dios ĩ tiro riojo ñeñaro yirā ña gua”, yi tuoīarā yirāji mua. <sup>28</sup> Judio masu goro ĩ ñarise muare gotigu ya ya. Sigũ wirotaru ñabojaguti Diore rucubwobicu, judio masu goro meje ñami ĩocũ. <sup>29</sup> No Dios bajiro usi cutigu, ito yicōri Dios ĩ rotirise yiro robo cudigu judio masu goro ñaguji ĩocũ. Judio masa bajiro wirotacōacōri, ĩ ñeñaro yirisere jidicāgũ yiguji ĩ. Ito bajiro bajigu ñaguji Dios rotirisere yiro robo cudigu. Ito bajiro bajigure, “Quenagũ ñami. Ñe seti ma ĩre”, yiguji Dios. Masa ña, “Quenagũ ñami”, ña yibitibojarocati, “Quenagũ ñami”, yiguji Dioama.



## 3

<sup>1</sup> Itire t̄uocōri, ¿no bajiro t̄uoĩati m̄ua? Judio mas̄u ñaja, ¿ñasaḡu ñare ñati? wiro tare gaye, ¿ĩna yiado bajiro yija quenati? “Judio mas̄u ña ȳu”, ¿s̄ĩgũ ĩ yija quenati? ¿No yibeati? <sup>2</sup> “Judio mas̄u ña ȳu”, ĩ yi t̄uoĩaja quena ña. Jaje gotirena s̄uoriti judio mas̄u ñasaḡu ñare ña. Cajero goroama judio masare ĩ oca cōañi Dios. <sup>3</sup> ĩ oca r̄ũc̄ub̄uobojar̄ati judio masa coriar̄a Diore yiro robo ĩna c̄udibeja, ¿no bajirojada? Yiro robo Dios rotirise ĩna yibitibojarocati Dioama yiro robo yiḡu ñami. “ĩ yiro robo yibiquĩji Dios”, ĩna yi t̄uoĩaja, ¿ĩ yiro robo yibiquĩjida Dios? <sup>4</sup> Meje, bajibea. ĩ yiro robo yisotiḡu yiguĩji Dios. Masa jeyaro ĩna socabojarocati, Dioama socaḡu meje ñami. Jane mejeju Diore goti ĩsiri mas̄u ado bajiro ucayoñi:

Dios m̄u ña coji r̄uyabeto yiro robo yiḡu. “Ado bajiro yic̄uja ȳu”, m̄u yiro bajiroti ya m̄u. Ito bajiḡu m̄u ñajare, “Diore seti ña”, yi masimenaji masa. “Socaḡu meje ñami Dios”, yi masi jedir̄a yir̄aji masa jeyaro, yi ucayoñi Diore goti ĩsiri mas̄u.

<sup>5</sup> Coriar̄a ado bajiro t̄uoĩabojar̄aji: “B̄uto ñeñarise ȳu yi r̄etoc̄uja ticōri, ‘Dios s̄ĩgũti ñami quenaḡu’, yi t̄uoĩar̄a yir̄aji ḡajer̄a”, yi t̄uoĩabojama coriar̄a. Ito bajiro t̄uoĩacōri, “Ñeñaro ȳu yirise waja, waja Dios ĩ senija, ñeñaro yiguĩji ĩ c̄uni”, yi t̄uoĩabojar̄aji coriar̄a. <sup>6</sup> Ito bajiro meje ña. Masa ĩna ñeñaro ĩna yirise waja Dios ĩ senija, ñeñaro yiḡu meje yami Dios. Ñeñarise ma Diore. Ito bajiri masa jeyarore, ñeñaro ĩna yirise waja seni masiguĩji Dios.

<sup>7</sup> Gajero bajiroj̄ua t̄uoĩabojar̄aji masa: “Ȳu r̄uoja ticōri, ‘R̄uoḡu meje ñami Dios’, yi r̄ũc̄ub̄uor̄a yir̄aji ḡajer̄a. Ito bajiri, ¿no yija ȳu r̄uojati ȳure waja seniati Dios?” yi t̄uoĩabojar̄aji coriar̄a. <sup>8</sup> “Ñeñaro mani yija ticōri, ‘Dios s̄ĩgũti ñami queno yiḡu’, yi r̄ũc̄ub̄uor̄a yir̄aji ḡajer̄a. Ito bajiri ñeñaro yito mani”, yi t̄uoĩabojar̄aji coriar̄a. Ḡuare

masa tuorũnume yirona, “Ito bajiroti ruore gaye riasoama Pablo mesa cuni”, yi ruoama gãjerã guare. Ito ñna yire waja, quenabeto ñna tũbũjaroca yirũjami Dios.

*Mani ñarocõti seti* cutirã ña, yire gaye

<sup>9</sup> ¿No bajiro tuoĩati mua? Mani judio masa, ¿gãjerã rêto busaro ñasari masa bajiro bajiati mani? Ñena sũori bajibea mani. Mani judio masa, judio masa meje ñarã cuni, seti cutirã riti ña mani. Ito bajiro riti masare riasocũ yũ. <sup>10</sup> Dios oca tuti ado bajiro gotia:

Sĩgũ quena busagũ maquĩji.

<sup>11</sup> Ñimũjua tuoĩa masigũ maquĩji, ito yicõri Dios robo bajiro usi cuti ãmogũ maquĩji.

<sup>12</sup> Masa jeyaro Dios oca quenarisere jidicãñi, ito yicõri ñeñarise riti yirãji. Nijua sĩgũ quenarise yigũ maquĩji.

<sup>13</sup> Ñna ya riseri, masari cuma janado bajiro bajiroja. Ñna busija masari cuma ãniro bajiro bajiroja, ruore oca riti ñna busija. Ñna busija, ãña rima robo bajiro junirise budiroja, ñna ya oca.

<sup>14</sup> Gãjerãre busiturã, oca junisiorise busiturã ñarãji ñna. Ito bajiro yicõri gãjerãre rojarã yirãji ñna.

<sup>15</sup> Rocati tuoĩamenati, gãjire sĩarãji ñna.

<sup>16</sup> Ñna waroju ñeñarise yirãji ñna. Ñeñaro yicõri, gãjerã bujato mano ñna tũbũjaroca yirãji ñna.

<sup>17</sup> Gãjerã rãca queno ñare gaye ña masimenaji ñna.

<sup>18</sup> “Sẽogũ ñami Dios”, yi tuoĩabojarãti, ñre rũcũbũomenaji ñna, yi gotia Dios oca tuti.

<sup>19</sup> Dios ñ rotirise gaye, mani judio masare cũni, ñ rotirise ere mani cũditi. Dios ñ rotirise masibojarãti, itire mani yibeja, “Yũre seti ma”, yi masimenaji mani. Ito bajiri, “Masa jeyarore ñna ñeñaro yirise waja, waja senigũ yigũji Dios”, yi tuoĩa mani. <sup>20</sup> Nijua sĩgũ maquĩji, “Dios ñ rotirise ñarocõti cũdi jeoa yũ”, yi tuoĩagũ. Ito bajiri, “Queno yigũ

ña mu', yigu yiguñji Dios yure", yi tuoñagũ maquñji. Dios ï rotirise masicõri, "Ñeñaro yigu ña yu", yi masi jedia mani ïja.

*Jesucristore mani tuorũnũja ticõri, manire masogũ yiguñji Dios, yire gaye*

<sup>21</sup> "Yu rotirisere masibitibojarãti queno yirã ñama yure tuorũnũrã. Ñe seti ma ñnare", yi gotiami Dios adi rumari ïja. Jane mejeju cuni ito bajiroti gotistuoyija ï rotirise, ïre goti ïsiri masa ñna ucare cuni. <sup>22</sup> "No Jesucristore tuorũnũgũ, ï ñami quenagũ", yigu yiguñji Dios. Judio masa, judio masa meje cuni Jesucristore ñna tuorũnũja ticõri, coro bajiroti ti maiguñji Dios. <sup>23</sup> Mani jeyaro ñeñarise yiana riti ña mani. Ñimũjua maquñji, Dios ï ãmorise yigu. <sup>24</sup> Ito bajibojarocati manire ti maiguñji Dios. Jesure mani tuorũnũja, "Yure waja ruyuriobeama ñna, ñna ñeñaro yirise waja yi jeocõñi yu Macu", yigu yiguñji Dios. <sup>25</sup> Dios cõayiju Jesucristore, manire ï goda ïsitoni. Mani rucubũore rãca, "Ñeñaro yu yirisere waja yi ïsiñi Jesús ï ya rina", mani yija, mani ñeñaro yirisere ãcabojogu yiguñji Dios. Iti masicõri, "Yiro bajiroti yigu ñami Dios", yi tuoña mani. Jane mejeju masa ñna ñeñaro yirisere waja seni usirio yibisiju Dios. "Ñna ñeñaro yirise waja goda ïsigũ yiguñji yu Macu", yire gaye masi yucãyiju Dios. <sup>26</sup> Ito bajiro rëtayija, "Yiro robo yigu ñami Dios", mani yitoni. No Jesure tuorũnũgãreti, "Queno yigu ñami", yigu yiguñji Dios, ñeñaro mani yirise Jesús ï waja yija bero ñajare.

<sup>27</sup> "Queno yigu ña yu", Dios ï tiro riojo yi masibe mani. Adocãta Dios rotirise yiro robo mani cudija, "Queno yigu ña yu", ¿yi masiati mani? Meje itioni yi masimenaji mani. Itire mani yi masibitibojarocati Jesure mani tuorũnũja, "Queno yirã ñama", yi tiguñji Dios manire. <sup>28</sup> Dios rotirise mani cudi ãmorã josabojarocati, "Queno yirã ñama", yibiquñji Dios. Ito bajibojarocati, "Yu ñeñaro yirisere waja

yi ĩsiñi Jesús”, mani yi t̃uoĩaja, “Ĩna ñama quenarã”, yigũ yiguĩji Dios.

<sup>29</sup> Mani judio masa Ɖjũ riti meje ñaguĩji Dios. Judio masa mejere c̃uni ĩna Ɖjuti ñami Dios. <sup>30</sup> Ito bajiri s̃igũ ñabojaguti masa jeyaro Ɖjũ ñami Dios. Ito bajiri s̃igũ judio masũ, Jesure ĩ t̃uorũnũja ticõri, “Quenagũ ñami”, yigũ yiguĩji Dios. Ito yicõri judio masũ meje c̃uni Jesure ĩ t̃uorũnũja ticõri, “Ĩ ñami quenagũ”, yigũ yiguĩji Dios. Wirowo mani tabeja, wirowo mani taja c̃uni ñasarise meje ña Dios ĩ tija. <sup>31</sup> Itire t̃uoĩacõri, ¿Dios ĩ rotirise jidicãrũ-jati mani? No yicõri jidicãmenaji mani. Mani Jesure t̃uorũnrã b̃uto b̃usa Dios ĩ rotirisere c̃udirã yirãji mani.

## 4

*Ado bajiro bajiyijũ Abraham ñayorũ, yire gaye*

<sup>1</sup> Mani ñicũ Abraham ñayorũre t̃uoĩacõri, ¿no bajiro yi t̃uoĩati mani? Ito yicõri, ¿no bajiro ĩ yija ticõri, ĩre boca ãmiyijari Dios? <sup>2</sup> Queno ĩ yirise ticõri, ¿ĩre boca ãmiyijari Dios? Ito bajiro meje ña. Ito bajiro bajijama, “Queno yigũ ña yũ”, yiborũ Abraham. Dios ĩ tiro riojo, “Queno yigũ ña yũ”, yi t̃uoĩabisijũ Abraham. <sup>3</sup> Dios oca ado bajirojũa gotia: “Abraham Diore queno t̃uorũnyijũ. Ito bajiri, ‘Queno yigũ ñami’, yi boca ãmiyijũ Dios Abrahamre”, yi gotia Dios oca. <sup>4</sup> Ado bajiro m̃uare goti masiogũ ya yũ. S̃igũ ĩ moaja, ĩre moare rotigũ rocati meje waja yiguĩji ĩ. ĩ moare ticõri waja yiguĩji ĩ. <sup>5</sup> Diore t̃uorũnrẽre gayeama, ito bajiro meje baja. ĩre t̃uorũnrãre queno boca ãmiguĩji Dios. ĩna queno yire waja, waja yirocũ meje ĩnare boca ãmigũ yiguĩji Dios. ĩre ĩna t̃uorũnjare, ĩnare boca ãmigũ yiguĩji Dios. ĩre ĩna t̃uorũnũja ticõri, “Queno yirã ñama”, yigũ yiguĩji Dios. ĩna queno yire waja, waja yirocũ meje ito bajiro yigũ yiguĩji Dios. ĩre ĩna t̃uorũnjare, ĩnare boca ãmigũ yiguĩji

Dios. <sup>6</sup> Itire tʉoĩagũ David ñayorũ cuni ado bajiro yiyijũ: “Jeyaro ñna yigore tʉoĩabicũti, ‘Queno yirã ñama. Ñe seti ma ñnare’, yigũ yiguĩji Dios ñre tʉorũnũrãre. Ito bajiro Dios ñnare ñ boca ãmija, wanũ quenarã yirãji ñna”, yiyijũ David ñayorũ. “Wanũ quenarã yirãji”, yirocũ, <sup>7</sup> ado bajiro yiyijũ David:

Ñeñaro ñna yirisere Dios ñ ãcabojoja, ito yicõri iti ñeñarisere ñ ruyurioja bero queno wanũ quenarã yirãji ñna.

<sup>8</sup> No ñeñaro ñ yirisere waja Dios ñ senibeja, queno wanũ quenagũ ñaguĩji, yiyijũ David ñayorũ.

<sup>9</sup> Iti wanũ quenare, judio masa wirotagoana gaye riti meje ñaroja iti. Judio masa meje ñarã cuni wirotabitobjarãti Diore ñna tʉorũnũja wanũ quenarã yirãji. Abraham ñayorũre mũcana tũdi tʉoĩate mũa. “Yũre tʉorũnũgũ ñami Abraham”, yi ticõri, “Queno yigũ ñami ñ. Ñe seti ma ñre”, yiyijũ Dios. <sup>10</sup> Dios ito bajiro ñ yija, ¿Abraham ñ wirotaja bero ñayijari? Ito bajirojũa meje bajiyija. Abraham ñ wirotaroto riojũa, “Queno yigũ ñami Abraham”, yiyijũ Dios. <sup>11</sup> Abraham ñ tʉorũnũja ticõri, “Queno yigũ ñami”, yi ñre boca ãmiyijũ Dios. ñre ñ boca ãmija berojũa ñre wirotarotiyijũ Dios. “Riti Dios yagũ ña yũ”, yi tʉoĩacõri, Dios ñ rotiado bajiro yigũ wirotayijũ Abraham ñayorũ. Ito bajiri Abrahamre ñ wirotarotiroto riojũa, “Queno yigũ ñami Abraham”, yiyijũ Dios, yi tʉoĩa masia mani. No Diore tʉorũnũgũ, judio masũ meje ñabojagũti, wirotacoru meje ñabojagũti, “ñ ñami quenagũ”, yigũ yiguĩji Dios. Dios ñ boca ãmiana, Abraham janerãbatia robo bajiro bajirã ñarãji ñna ñja. <sup>12</sup> Wirotagoana ñicũ cuni ñaguĩji Abraham. Wirotaroto riojũa Diore tʉorũnũyijũ Abraham. Wirotarajũna sũori meje ñna ñicũ ñaguĩji Abraham. ñ robo bajiro, Diore ñna tʉorũnũjare, judio masa ñicũ ñaguĩji Abraham. Judio masa ñicũ ñaguĩji ñ. Judio masa ñna

ñare waja meje, Diore ñna tuorũnũre waja judio masa ñicu ñaguĩji Abraham. Ito bajiri Abraham robo bajiro Diore tuorũnũrã, ã janerãbatia robo bajirã ñarãji ñna.

*Jesure mani* tuorũnũja Dios ã goticãdo bajiroti rãtaru yiroja, yire gaye

<sup>13</sup> Jane mejeju ado bajiro goticãyiju Dios Abrahamre: “Macãrucãro sita ñarocõti mũre, mũ janerãbatiare cuni ãsigũ yigũja yũ”, yiyiju Dios. Ito bajiro gotiyiju Dios Abrahamre ã rotirisere yiro robo ã cãdija ticõri meje. “Yũre tuorũnũcõri, queno yigu ñami Abraham”, yi tuoĩacõri ito bajiro cũyiju Dios Abrahamre. <sup>14</sup> “Dios ã rotirisere gũa cãdire waja, ‘Ado bajiro masare ãsicũja yũ’, ã yiro bajiroti gũare ãsigũ yiguĩji Dios”, yi tuoĩabojama coriarã. Ñre tuorũnũmenareti ã rotirise ñna cãdire waja Dios ã ãsija ãre tuorũnũbojarã ya mani. Ito yicõri, “Yũre tuorũnũrãre ado bajiro ãsicũja yũ”, yi Dios ã goticãre buruotĩ bajiro baja itĩ cuni. <sup>15</sup> Ito bajiro meje ñna. “Ñ rotirisere masibojarãti ñna cãdibeja ticõri, ñnare junisinigũ yiguĩji Dios”, yi tuoĩa mani. Dios ã rotirise manija, “Dios ã rotirisere cãdibeamã masa”, yi masibitiboana mani.

<sup>16</sup> Abrahamre ti maicõri, “Yũre mũ tuorũnũja, rocati waja mano mũre ãsigũ yigũja yũ”, yiyiju Dios Abrahamre. Mani Diore tuorũnũja, mani ñicu bajiro bajigu ñaguĩji Abraham. Ito bajiri Dios rotirise cãdirã riti meje, Abrahamre Dios ã goticãre boca ãmirã yirãji ñna. No Abraham robo bajiro Diore tuorũnũrã Dios ã goticãre boca ãmirã yirãji ñna. <sup>17</sup> Dios Abrahamre ã goticãdo bajiroti, ucare ñayiju jane mejejutĩ. Ado bajiro bajiyiju: “Jaje sitari gãna ñicu ñarocũ mũre cũa yũ”, yiyiju Dios Abraham ñayorũre. Ito bajiro Dios ã yija tuocõri, ã gotiro bajiroti rũcũbũoyiju Abraham. Ito bajiri mani ñicu ñarocũ cũyiju

Dios Abrahamre. Sēogū ñami Dios. Īti ñami godanare catiroca yigū, ito yicōri jeyaro rujeoru.

<sup>18</sup> “Mū janerābatia jājarā ñarā yirāji”, Abrahamre Dios ĩ yiroca, rīa macū ñayijū Abraham maji. “Dios ĩ gotire, rētarō yiroja”, yī tūoīa ñayijū Abraham, rīa manibojaguti. <sup>19</sup> Abraham cien rodoricō tujabojaguti, ito yicōri ĩ manojo Sara, būco ñabojarocati, “Rīa macūja yū”, yibisijū Abraham. Būcūgū rīa cūtiado macū ñabojaguti, “Ija rīa cūtibicūja yū”, yī tūoīabisijū ĩ. “Dios ĩ gotirise riti ña”, yī tūoīa jidicābisijū Abraham. <sup>20</sup> “Dios ĩ gotirise ñaro bajiroti rētarō yiroja”, yī tūoīayijū Abraham. “Ī gotiado bajiro yibicū yiguīji Dios”, yire gaye tūoīabisijū Abraham. Ito bajiri būto būsā tūoīa oca sēocōri, “Ī rotiado bajiroti yigū yiguīji Dios”, yī tūoīayijū ĩ. Ito bajiro tūoīacōri, “Rētoro masigū ñami Dios”, yī rūcūbuoyijū Abraham, Diore tūorūnūgū. <sup>21</sup> “Dios būto masigū ĩ ñajare, ĩ goticādo bajiroti yigū yiguīji”, yī tūoīasotiyijū Abraham. <sup>22</sup> Ito bajiro ĩ yija ticōri, “Queno yūre tūorūnūgū ñami Abraham, ito yicōri queno yigū ñami ĩ”, yiyijū Dios. Ito bajiro gotia Dios oca tuti.

<sup>23</sup> Abraham ĩ sīgūre yiari meje ucare ñayija iti. <sup>24</sup> Manire yiari cūni ucare ñayija iti. Diore mani tūorūnūja manire boca āmicōri, “Quenarā ñama ĩna. Ñe seti ma ĩnare”, yigū yiguīji Dios. Ī Dioti ñami, mani Hju Jesure, ĩ godaroca mūcana tūdi ĩ catiroca yirū. <sup>25</sup> Mani ñeñaro yirise ñarocōti waja yī jeorocū godaņi Jesús. Ī godaja bero mūcana tūdi catiņi, “Ñe waja ruyuriobeama ĩna. Queno yirā ñama ĩna”, Dios ĩ yitoni.

## 5

*Jesure mani* tūorūnūja ñe seti mana ña mani, yire gaye

<sup>1</sup> Jesure mani tūorūnūja, “Īna ñama quenarā. Yūre waja ruyuriobeama ĩna”, yigū boca āmiguīji Dios manire.

Ñarocõreti quenoyijũ Jesús. Ito bajiri Dios rãca queno ñare gaye ña manire. <sup>2</sup> Jesure mani tũorũnũja, manire ti maicõri manire masogũ yiguĩji Dios. Ito bajiri ãre tũorũnũcõri queno wanũrãji mani. “Rẽtoro quenagũ ñami Dios. Ì quenaro yirise manire yiari jidicãgũ yiguĩji ì”, yi wanũ quenarãji mani. <sup>3</sup> Iti gaye riti meje wanũ quenarãji mani. Mani ñeñaro tõbũjaborarijũ cũni wanũcõrãji mani. “Ñeñaro yũ tõbũjaborajaja cũni Jesure masicõri bũto bũsa tũoĩa oca sẽogũ yigũja yũ”, yi tũoĩa mani. <sup>4</sup> Ito bajiro mani bajija ticõri, “Queno yũre tũorũnũrã ñama ñna”, yigũ yiguĩji Dios. Ito bajiro Dios ì yija, “Yũre masogũ yiguĩji”, yi tũoĩa yucãrãji mani. <sup>5</sup> Ito bajiro tũoĩa yucõri, bojori bũjare gayere bũjamenaji mani. “Dios manire masogũ yiguĩji”, yi tũoĩacõa mani. Manire bũto maiami Dios. Ito bajiri manire Espĩritu Santore queo sãni Dios. Espĩritu Santo mani rãca ì ñatĩñajare, “Yũre maiami Dios”, yi tũoĩa mani ñja.

<sup>6</sup> Ñeñaro mani yirise mani jidicã masibeto, ito yicõri, “No yi masia ma yũre”, mani yi tũoĩaroca, itocõ Dios ãmoro bajiro ejayija, Cristo manire ì goda ñsirijũ. <sup>7</sup> Sĩgũ queno yigũ ñabobarocati, ãre goda ñsigũ queno maquĩji. Sĩgũ queno yigũ ãre goda ñsigũ ñaguĩji gajea. <sup>8</sup> Cristoama mani ñeñaro yirã ñabobarocati, manire goda ñsiñi ì. Ito bajiri, “Manire bũto maiami Dios”, yi tũoĩa masia mani. <sup>9</sup> Jesús mani ñeñaro yirise waja, ì ya rĩna waja yi godañi. Ito bajiri itire ticõri, “Yũre waja ruyuriobearna ñna. Ñe seti ma ñnare ñja”, yiguĩji Dios manire. “Yũre yiari bũsigũ yiguĩji Cristo. Ito bajiri, yũre junisinibicũ, ñeñaro yũ tõbũjaroca yibicũ yiguĩji Dios”, yi tũoĩa masia mani. <sup>10</sup> Diore mani wajacũ cutibobarocati maji, manire yiari goda ñsiñi Cristo. Ito bajiro yĩni ì, Dios rãca mani queno ñatoni. Dios rãca queno mani ñaroca, adocãta Jesús mũcana caticõri queno bũsa manire yigũ yiguĩji. Jeame mũjurojũ mani



wabore ñaroca, manire masogũ yiguĩji Jesús. <sup>11</sup> “Jeame ñjurojũ wabore gaye manire masogũ yiguĩji”, yirona buto wanurãji mani. Ito yicõri, “Yũ ñarã ñama. Ñe seti ma ñare”, yigũ yiguĩji Dios. Ito bajiro yiguĩji Dios, mani Ujũ Jesucristo manire ã goda ñsire ñajare.

*Cristo ito yicõri Adán ñayorũ ñna bajire gaye*

<sup>12</sup> Dios ã cajero rujeosũorũ ã ñayijũ Adán wame cutigũ. Ñ cajero ñeñarise yisũoyijũ. Ñ ñeñaro yisũorajũna, jeyaro macãrucãro gãna ñeñaro yisũoyijarã. Ito yicõri godasũoyijarã ñna. Mani ñeñarise yirã ñari, goda jedirã yirãji mani jeyaro. <sup>13</sup> Dios ã rotirise, Moisésre ã jidicãroto riojũna, masa ñeñarise yicãnajũ ñayijarã ñja. Ñeñaro ñna yibojarocati, Dios ã rotirise manijare maji, “Yũ rotirisere tũorũnũbeama ñna”, yibisijũ Dios maji. <sup>14</sup> Dios ã rotirise manijare, ñeñaro yiyijarã masa. Adán ã ñaratũajũ, ito yicõri Moisés ã ñarajũjũ cuni, ito bajiroti bajicõyijũ. Ito bajiri goda jedicoayijarã ñna ñarocõti. Ñna ñeñaro yire, Adán ã Diore cudibitire gaye bajiro meje yiyijarã ñna. Adánti ñayijũ cajero ñeñarise yire gayere mũocõari masũ. Mani ã bero gãna jeyaro ñeñaro yirã riti ña. Manire ticõri, “Ñeñaro yirã riti ñama”, yiguĩji Dios. Ito bajibojarocati Adán ã ñaja bero yoari sãgũ ã robo bajiro bajigũ meje quenarise riti yigũ ñayijũ. Ñ ñayijũ Jesucristo. Ñ ñayijũ cajero Dios rotirise cudi jeogũ. Mani ñeñaro yirise waja ã waja yi ñsirena sũoriti, “Yũre waja ruyuriobeama. Ñe seti ma ñare ñja”, yi tisũoyijũ Dios manire.

<sup>15</sup> Adán ñeñaro ã yigore, ito yicõri Dios manire queno ã yigore rãca babo masia ma. Masare Dios ã ti mairise, iti ñna buto bũsa quenarise. Adán sãgũ ñabojaguti ñeñaro ã yirajũna sũoriti masa jãjarã godayijarã. Dioama manire ti maicõri, Jesucristore cõañi manire ã goda ñsitoni. Jesús sãgũ ñabojaguti jãjarãre jeamejũ mũboanare masoyijũ ã.

Ito yicōri Jesús ĩ sĭgūti manire ti maicōri, waja senibicū yiguŭji ĩ. Īama mani catitĭñaroca yigū yiguŭji. <sup>16</sup> Dios manire ĩ queno yigore ito yicōri Adán ĩ ñeñaro yigore rāca babo masia ma. Adán sĭgū ĩ ñabojarocati ñeñaro ĩ yisūore ticōri, “Masa jeyaro ñeñaro ĩna yirise waja tōbujarā yirāji ĩna”, yiyijū Dios. Ito bajibojarocati, masare ti maicōri, Jesure cōañi Dios, masare ĩ goda ĩsitoni. Ito bajiri ĩre mani tūorūñaja, ñeñaro mani yirisere ācabojogū yiguŭji Dios. Ito bajiri ñeñaro yirā mani ñabojarocati, “Queno yirā ñama. Ñe seti ma ĩnare”, yigū yiguŭji Dios. <sup>17</sup> Adán sĭgū ñabojaguti, ĩ ñeñaro yijare, masa jeyaro godarā yirāji. Ito bajibojarocati Jesús manire ĩ goda ĩsirena sūoriti mani ñeñaro yirisere ācabojogū yiguŭji Dios. Ito yicōri manire ti maicōri, “Quenarā ñama ĩna. Ūmacūjū yū Macū Jesucristo rāca catitĭñarā yirāji ĩna”, yigū yiguŭji Dios.

<sup>18</sup> Adán sĭgū ñabojaguti, ñeñaro ĩ yijare masa jeyaro ĩna tōbujaroca yigū yiguŭji Dios. Ito bajibojarocati Jesús sĭgū ñabojaguti queno ĩ yijare, “Ñeñaro yū yirisere itire ācabojoya Dios mū”, yi masirāji masa jeyaro. Ito bajiro ĩna yi rūcubūoja tūocōri, “Quena ñama. Catitĭñarā yirāji”, yigū yiguŭji Dios. <sup>19</sup> Dios ĩ rotiro bajiro cūdibisijū Adán. Adán sĭgū ñabojaguti, ito bajiro ĩ yija, jājarā masa ñeñaro yisūoyjarā ĩja. Ito bajibojarocati, Jesuama ñaro bajiroti cūdiyijū Diore. Ito bajiro ĩ yija jājarā masa ñeñaro ĩna yirise Dios ĩ cōa ĩsigoana ñama ĩja. Ito bajiri, “Queno yirā ñama”, yicōri ĩnare boca āmigū yiguŭji Dios.

<sup>20</sup> Dios ĩ rotirise jidicāñi Moisésre, “Ñeñaro yirā ña gūa”, mani yi tūoĭa jeditoni. Ñeñaro mani yibojarocati, “Dioama buto busa manire ti maiguŭji”, yi tūoĭa mani ĩja. <sup>21</sup> Mani ñarocōreti ñeñaro mani yirise waja seti ña. Ito bajiri ñarocōti godarā yirāji mani ĩja. Ito bajibojarocati Dioama manire ti maiguŭji. Dios manire ti maicōri, Jesucristo mani Ūjūre cōañi, ñeñarise jeyaro ĩ quenotoni.

Ito bajiri Dios manire ti maicōri, “Queno yirā ñama ña”, yicōri, manire boca ãmigũ yiguĩji. Ito bajiri catitĩñarā yirāji mani ĩja.

## 6

*Ñeñarise jidicāna ñari Cristona* sũoriti catitĩñarā yirāji mani, yire gaye

<sup>1</sup> Itire masicōri, ĩñere yirũja, yi tuoĩati mua adocāta? ĩÑeñaro yirejũare yitĩñarũjati manire, Dios ĩ mairise bũto busa manire ĩ ĩotoni? <sup>2</sup> Ñena sũori yimenaji mani. Ñeñarisere jidicāgoana ña mani. Ito bajiri mani Cristo ñarā ñabojarāti, ĩñeñarise yi uyarājida mani? Meje ñeñarise yi uyaamenaji mani. <sup>3</sup> ĩIdé gure gayere tuo masiati mua? Idé gu roticũ mani, “Cristo ñarā ñama”, gãjerā ña yi ti masitoni. Riti ĩ ñarā ña mani ĩja. Ito bajiri Cristo ĩ godacāre ñajare, ĩ robo bajiroti godacāna ña mani cũni. <sup>4</sup> Mani idé gucatijũ, Cristo rāca yuje cũado bajiro bajicũ mani. Cristo ĩ godaja bero mũcana tũdi ĩ catiroca yiyijũ mani Jacũ Dios ĩ masirisena. Mani ñeñaro yirise jidicāttoni ito bajiro yiyijũ Dios. Ito yicōri quenarise mani yitoni, ĩ masirisena manire ejabũagũ yiguĩji Dios.

<sup>5</sup> Cristo ñarā mani ñaja, ĩ godarajũ ĩ robo bajiro godana ña mani cũni. Ito yicōri ĩ ñarā mani ñaja, mũcana tũdi ĩ catiado bajiroti, mani cũni tũdi caticōri ĩ rāca catitĩñarā yirāji. <sup>6</sup> Cristo yucutēojũ ĩ godado bajiroti, mani ñeñaro yi ãmorise godayija. Ito bajiri ñeñaro yi ãmorā meje ña mani ĩja. Ñeñaro mani yi ãmorisere jidicā masia mani. Ito bajiri ñeñarise yi uyaamenaji mani ĩja. <sup>7</sup> Masa godarā, ñeñaro ña yibeto bajiro mani cũni ñeñaro yi uyaamenaji. <sup>8</sup> Ñeñarise jidicāgoana mani ñaja, Cristo rāca godacāna robo bajiro baja mani. Ito bajiri, “ĩ tũdi catiado bajiroti, mani cũni tũdi catirā yirāji”, ya mani. <sup>9</sup> “Godabojagũti mũcana tũdi ĩ catiroca yiyijũ Dios Cristore. Mũcana tũdi

juaĵi godabiquĵi Cristo”, yi tĵoĵa mani. Mucana tĵdi juaĵi godare manoĵa ĵre. <sup>10</sup> Cristo coĵiti godaĵi, mani ñeĵaro yirisere cĵagĵ. Mucana tĵdi caticĵri, Dios ĵ amoro bajiro yi ñagĵ ñami ĵ ĵja. <sup>11</sup> Ito bajiro tĵoĵarĵa manire cĵni. “Yĵ ñeĵaro yirisere jidicĵcĵri tĵdi itire yi űyabicĵa yĵ mucana. Cristo yagĵ ñacĵri, Dios ĵ amoro bajiro yi ñagĵ yigĵa yĵ”, yirĵa manire.

<sup>12</sup> Natiĵaroti meĵe ña mani ya rujĵ. Ito bajiri mĵa ya rujĵ ñeĵaro iti tĵoĵaro bajiroti ñeĵaro yi űyabesa. Buto ñeĵarise yiroto amobojarocati ñemecĵtirĵa manire. <sup>13</sup> Mĵa ya rujĵ ñeĵaro iti tĵoĵaro bajiroti ñeĵaro yibitirĵa mĵare. Mĵa ña, jeame űjuroĵm mĵa wabore ñaroca Jesús ĵ masogoana. Ito bajiri Dios ĵ amoro bajiro riti mĵa ya rujĵna quenarise riti mĵa yitĵĵaja quena. <sup>14</sup> ĵre cĵdirĵa mani ñaja, ñeĵarise yire gaye amobeto yiroĵa manire. “Dios ĵ rotirisere yĵ cĵdibeĵa, jeameĵm yĵre cĵagĵ yiguĵi”, yi tĵoĵa gĵirĵa meĵe ña mani. “Jesure yĵ tĵorĵnĵa, yĵre ti maicĵri, yĵre masogĵ yiguĵi Dios”, yi tĵoĵa wanĵrĵ ña mani.

*Ñeĵarise riti mani yi űyaja mani* űĵm robo bajirise ña, yire gaye

<sup>15</sup> “Dios ĵ rotirisere yĵ cĵdibeĵa, jeame űjuroĵm yĵre cĵagĵ yiguĵi ĵ”, yi tĵoĵa gĵicĵri, ñeĵarise yibitirĵa manire. “Yĵre ti maicĵri, yĵre masogĵ yiguĵi Dios”, yi tĵoĵarĵa ñari, Dios ĵ amoro bajiro riti cĵdirĵa manire. <sup>16</sup> Gĵjire mĵa tĵorĵnĵa, ĵ ñaguĵi mĵa űĵm. Ito yicĵri ĵre moa ĵsiri masa ñarĵji mĵa. Ito bajiro ñeĵarise riti mĵa yi űyaja, mĵa űĵm robo bajiro tĵaroĵa ñeĵarise ĵja. Ito bajiro ñeĵarise mĵa yija, ñeĵarisere jidicĵ masimenaji mĵa. Ito bajiro mĵa yija, jeame űjuroĵm warĵ yirĵji mĵa. Ito bajibojarocati, Diore mĵa tĵorĵnĵa, “Queno yirĵa ñama. Seti ma ĵnare”, yigĵ yiguĵi Dios. Itire masirĵji mĵa. <sup>17</sup> Iti rĵmĵmĵ, ñeĵarise mĵa yija, mĵa űĵm robo bajiro

bajiyija ñeñarise. Ito bajiri ñeñarise yi uyayija mua maji. Adocātama Dios ocare riasoticōri itire cūdia mua. Ito bajiri ñe rūcubuoṛā ña mua ĩja. Iti masicōri, “Queno ya Dios mu”, ya yu ñe. <sup>18</sup> Ñeñaro yire gaye cūdirā meje ña mua ĩja. Diore cūdirā ñari quenarise riti yi āmorā ña mua ĩja. <sup>19</sup> Queno cōīa gotire rāca muare goticu yu, queno mua tuo masitoni. Iti rumuju buto ñeñarise yirā ñayija mua maji. Adocātama quenarise riti mua yi ñaja quena. Quenarise riti mua yija, Dios ĩ āmorise yirā yirāji mua.

<sup>20</sup> Iti rumuju ñeñarise riti yirā ñari quenarisere yibisija mua maji. Dios ĩ āmoro bajiro yirā meje ñayija mua maji. <sup>21</sup> Itijuju, ñeñarise mua yirajuju, ĩ ñeoni quenarise bujacati mua? Bujabisija mua. Adocāta, iti rumuju ñeñarise mua yigore, mua tuoīaja, bojoriseti baja ĩja. No ñeñarise riti yirā, ĩna godaja bero jeame ũjuroju warā yirāji ĩna. <sup>22</sup> Mua adocāta ñeñarisere cūdirā meje ña mua ĩja. Ñeñarise jidicācōri Diore cūdirā ña mua ĩja. Dios ĩ āmoro bajiro riti ñe cūdirā ñari, buto busa ñe cūdi āmorā yirāji mua. Ito bajiro mani yija, ĩ rāca riti ñatīñarā yirāji mani. <sup>23</sup> Mani ñeñaro yirise waja, waja yirā bajiro godarā yirāji mani. Ito bajiri seti cutirā ñari Dios tu queno eja masimenaji mani. Jesucristo mani Ũjuro mani tuorūñujama, ñe waja manoti catitīñare gaye ĩsigū yiguūji Dios manire.

## 7

*Romio manuju cutigo, iso manuju rāca riti ñaja quena, yire gaye*

<sup>1</sup> Yu ñarā, mua ña rotire gaye masirā. Mani catirocō rotire gaye cūdirāona ña mani. Mani godaja berojuama, no yicōri itire cūdi masia manoja manire. <sup>2</sup> Rotire gaye ado roboju gotia manire: Romio manuju cutigo, iso manuju rāca riti ñaja quena, ĩ catirocō. Iso manuju godaja bero, rotire gaye cūdibeco meje yamo iso, gājire

iso manujũ cutija. <sup>3</sup> Iso manujũ ĩ catibojarocati, gãji rãca iso ñaja, manujũ cutibojagoti ajeri maso ñamo isoõcõ. Ito bajibojarocati iso manujũ godaja bero gãji rãca iso manujũ cutija, Dios rotirise cudibeco meje yamo iso. Ito bajiro yigo manujũ godagoro ñari ajegoõcõ meje ñamo iso.

<sup>4</sup> Ito bajiroti yũ ñarã Cristo ñarã ña mani ĩja. Iti rũmũ Cristo ĩ godaroto riojũa mani ujũ robo bajirise ñayijũ rotire gaye maji. Adocãtama Jesucristo manire ĩ goda ĩsirajũna suoriti mani ujũ robo bajirise meje ña ĩja. Cristo ĩjũa ñami mani Ujũ ñasagũ. Ito yicõri ĩ ñarã ña mani. Cristo ĩ godaja bero ĩ tũdi catiroca yĩni Dios. Ito bajiro yĩni Dios ĩre mani queno moa ĩsi masitoni. <sup>5</sup> Jesure mani masiroto riojũajũ, mani ãmoriseti yicũ mani maji. Dios ĩ rotirise masibojarãti itire cudi ãmobicicũ mani. Ito bajiri mani ya rujũ ñeñaro iti tũoĩaro bajiroti ñeñaro yicũ mani maji. Dios ĩ rotirisere cudimena ñari, bũto bũsa ñeñarise yicũ mani. Ito bajiri jeame ãjũrojũ warona ñacũ mani maji. <sup>6</sup> Adocãtama, “Dios ĩ rotirisere yũ cudibeja, jeamejũ yũre cõagũ yiguĩji ĩ”, yi tũoĩa gũirã meje ña mani. Cristore bũto tuorũnũa mani adocãta. “Cristore yũ tuorũnũaja yũre masogũ yiguĩji Dios”, yi tũoĩarã ña mani ĩja. Espĩritu Santo mani ya usijũ ñagũ, ñeñarise yire jidicãroca yami. Ito yicõri, quenarisejũa wasoaroca yami ĩ.

*Manireti ña ñeñarise, yire gaye*

<sup>7</sup> Dios ĩ rotirise, ¿no bajiro yirã yati mani? “ĩ rotirise ñeñarise ña”, ¿yirũjati mani? Meje yibitirũja manire. Dios ĩ rotirise manire gotia, “Iti ña ñeñaro yire gaye”, mani yi masitoni. Dios rotirise iti manija, “Iti ña ñeñaro yire gaye”, yi masibitiboana mani. Adi gaye tũoĩate mũa: “Gãji ya gajeonireti uobesa”, yi gotia Dios rotirise. Ito bajiro ĩ yibeja, “Gãji ya gajeoni ãmotire ñeñarise ñaroja”, yi masibitiborũja yũ. <sup>8</sup> Ito bajiri iti rotirise masicõri, ñeñaro yigũ ñari bũto bũsa gãji ya gajeoni ãmoticũ yũ. Iti rotire

masibiticōri bũto gāji ya gajeoni āmotibiticu yu maji. <sup>9</sup>Dios ĩ rotirise yu masiroto riojua maji, “Bũto queno yigu ña yu”, yi tũoĩabojacu yu maji. Dios ĩ rotirisere masigũ ñabojaguti, bũto bũsa ñeñarise yi āmocu yu maji. “Ñeñaro yigu ña yu. Ito bajiri jeame ĩjuroju wacu yigũja yu”, yi masibojacu yu, yi masirea. Ito bajiri bũto bojori bũja ñacu yu. <sup>10</sup>Ĭ rotirise cũñi Dios, masa ĩna queno ñatoni. Yũama Dios ĩ rotirise masicōri, bũto bojori bũja ñacu. Ñeñarise yicōri, “Jeame ĩjuroju wacu yigũja yu”, yi tũoĩacu yu. <sup>11</sup>Yu ñeñaro yirise tũoĩacōri, bũto ñeñaro yi āmocu yu. Yu ñeñaro tũoĩarise yũre ruoyija. Dios ĩ rotirisere cudi āmobiticu yu. Iti rotirise masicōri, “Jeame ĩjuroju wacu yigũja yu”, yi masibojacu yu. Ito bajiri bũto bojori bũja ñacu yu.

<sup>12</sup>Iti ruma maji ito bajiro tũoĩabojacu yu. Adi ruma ado bajiro ya yu ĩja. Jeyaro Dios ĩ gotirise quenarise ña. Ito bajiri Dios ĩ rotirise riojo gotirise ñaroja, ito yicōri quenarise. <sup>13</sup>Adi rotirise quenarise ñabojaroti, ĩmani jeame ĩjuroju waroca yirojada? Meje ito bajiro meje bajia. Mani ñeñaro yire, mani jeame ĩjuroju waroca yiroja. Dios ĩ rotirise mani masija bero, ñeñaro mani yirise, “Ñeñaro ya yu”, yi tũoĩa mani. Ñeñaro yire masicōri, “Jeame ĩjuroju wacu yigũja yu, ñeñaro yigu ñari”, yi tũoĩa masia mani. Ito yija Dios rotirise masibojarāti, itire mani cudibeja, iti ña bũto bũsa ñeñarise.

<sup>14</sup>Mani masia, Espĩritu Santona sũoriti ĩ rotirise cũñi Dios Moisés ñayũre. Manire Espĩritu Santo ĩ ejabũabeja, Dios ĩ rotirisere cudi masimenaji mani. Yu masia, ñeñaro yigu ña yu. Ito bajiri ñeñaro yitĩña yu. <sup>15</sup>ĬNo yija, ito bajiro yigũja yauña yu? Masibea yu itire. Queno yu yi āmobarise gaye yibea yu. Ñeñaro yu yi āmobitibojarejũare itijũare ya yu. Masibea yu. ĬNo yija itire yigũja yauña yu? <sup>16</sup>Ito yija ñeñaro yi āmobitibojaguti,

ñeñaro ya yu. Ito bajiro yu yija, “Dios ĩ rotirise quenarise ña”, yi tũoĩa yu. <sup>17</sup> Ito bajiri adocãta, ñeñaro yu yirise yumasĩ meje ya. Ñeñaro tũoĩare yũre ñacõri, iti ña ñeñaro yiroca yũre yirise. <sup>18</sup> Yu masia, yu tũoĩarise quenarise ma yũre. Quenarise yu yi ãmobarocati, quenarise yire ma yũre. <sup>19</sup> Quenaro yu yi ãmorisere, itire yibea yu. Ito bajibobarocati ñeñarise riti ya yu, yu ãmobitire. <sup>20</sup> Ito yija ñeñaro yu yi ãmobitire yu yija, yumasĩ meje ya. Ñeñaro yire gaye yũre ñacõri iti ña ñeñaro yiroca yũre yirise.

<sup>21</sup> Ito bajiro riti bajisotia yũre. Quenarise yu yi ãmobarocati, no masia ma yũre, ñeñarise yũreju ñacõri. <sup>22</sup> Yu ya usinama rujeguti Diore cudi ãmobarocati yu. <sup>23</sup> “Queno yu yi ãmoja, ñeñarise yũre ñacõri, queno canamũbea iti”, yi tũoĩa yu. Yu ya usinama Diore cudi ãmobarocati yu. Ito bajibobarocati yu ya rujuti ñeñaro ya yũre. Ito bajiri ñeñarise jidicã masibea yu.

<sup>24</sup> Bujatoguti bajicõa yu. Yu ya rujuna ñeñaro yu yirise waja jeame ĩjuroju wacu yigũja yu. ¿Ñimũjua yũre masogũ yiguĩjida? <sup>25</sup> Ado robojua baja. Mani ĩju Jesucristo yũre masocãñi. Yũre yiarĩ Jesucristore cõañi Dios. Ito bajiri, “Queno ya mu”, ya yu ĩre. Yu ya usi ñarocõnati ruje Diore cudi ãmoa yu. Ito bajibobarocati ñeñaro tũoĩare yũre ñacõri, iti ña ñeñaro yiroca yũre yirise. Queno yĩni Dios. Ñeñaro yu yibititoni Jesucristore cõañi ĩ.

## 8

*Espíritu Santore mani* cudija Dios ñarã ñarã yirãji mani, yire gaye

<sup>1</sup> Cristo ñarã mani ñaja, ito yicõri ĩ rãca sigũre bajiro mani usi cutija, manire waja senibicu yiguĩji Dios. Cristo ñarã ñari mani ya ruju ñeñaro iti tũoĩaro bajiroti yi ãmom-enaji. Ito yicõri Espiritu Santo ĩ rotiro bajirojua yisotirãji mani. <sup>2</sup> Mani ñeñaro yirise ñaroja mani godaroca yirise.



Ito bajibojarocati Jesucristore mani tuorñuĵa, Espíritu Santo mani catitñaroca yigu yiguĵi. Cristo yagu yu ñajare, Espíritu Santo yure ejabuagu yiguĵi, ñeñaro yu yibititoni. Ito yicōri jeame ĩjuroĵu yu wabore ñaroca yure masocãñi. <sup>3</sup> Dios rotirise ñarocōti cudi jeo masia ma manire. Ito bajiri, “Dios ĩ rotirisere yu cūdire waja, yure masogũ yiguĵi”, yi masibea mani. Ado bajiroĵua baja. Dios ĩ Macugorore adi macãrucuroĵu cōañi. Mani ñeñaro yiri ruĵu bajiro ruĵu cutiñi. Mani robo ruĵu cutibojaguti ñeñarise yibisĩ ĩ. ĩ ya ruĵuna ñeñaro yĩabicu ñari, mani ñeñaro yirisere ñarocōti waja yi jeoñi ĩ. Ito bajiri, “Ĩ ejabuarisena, ñeñaro yibicuja yu”, yi masirãji mani. <sup>4</sup> Ito bajiro manire goda ĩsiñi ĩ, Dios rotirise bajiro quenarise mani yitoni. Adocãta ñeñaro mani tuoĵarise rãca ñamenaji mani. Espíritu Santo ĩ ãmoro bajiro yirãji mani.

<sup>5</sup> Ñeñaro tuoĵacōri ĩna ñeñaro yirotere tuoĵasotirã yirãji ĩna. Espíritu Santo ĩ ãmoro bajiro yirãma, ĩ ãmoro bajiro riti yirona tuoĵasotirã yirãji ĩna. <sup>6</sup> ĩna ya ruĵu ñeñaro iti tuoĵaro bajiroti tuoĵasotirã, ĩna godaja bero jeame ĩjuroĵu warã yirãji ĩnaõna. Ito bajibojarocati, “Espíritu Santo ĩ ãmoro bajiro yicuja yu”, yirã, catitñarã yirãji. Ito yicōri ĩna ya usiĵu queno wanu quenarise rãca ñarã yirãji ĩna. <sup>7</sup> Ñeñaro yire tuoĵarã, Diore tuo terãji ĩna. Dios rotirise cudi ãmomenaji ĩna. Ito yicōri, no masia manoja ĩnare. <sup>8</sup> Ito bajiri, “Yu ñeñaro yirise riti yi wanu ñacuja yu”, yirã, Dios ĩ ãmoro bajiro yi masimenaji ĩnaõna.

<sup>9</sup> Mani ya usiĵu Espíritu Santo ĩ ñaja, ĩ ãmoro bajiroti yirã yirãji mani. Ito yicōri mani ñeñaro tuoĵarise bajiro meje yirãji mani. Espíritu Santo ĩ ya usiĵu ñabeja Cristo yagu meje ñami ĩocũ. <sup>10</sup> Riti ña, mani ñeñaro yiri ruĵu godaro yiroja. Ito bajibojarocati Cristo mani ya usiĵu ĩ ñaja, catitñarã yirãji mani. “Quena ñama ĩna. Ñe

seti ma ñnare”, yi boca ãmigũ yiguĩji Dios manire. Ito bajiri catitĩñarã yirãji mani. <sup>11</sup> Espíritu Santona sũoriti Cristo godarũre mũcana tũdi ĩ catiroca yĩni Dios. Mũcana ĩti ñami mani ya ruju godarotire mũcana tũdi catiroca yirocũ. Ito bajiro yigu yiguĩji ĩ manire. Espíritu Santo mani ya usiju ĩ ñaja, catitĩñare gaye ĩsigũ yiguĩji ĩ manire.

<sup>12</sup> Ito bajiri yũ ñarã, juaji ñeñaro yi uyabitiruja manire, iti rũmũ mani yicato bajiro. Espíritu Santo ĩ ãmoro bajirojua yirãji mani. <sup>13</sup> Ñeñaro mani tuoĩarise mani yija, godarã jeame ãjuroju warã yirãji mani. Ito bajibojarocati Espíritu Santona sũoriti mani ñeñaro yirise mani jidicãja, catitĩñarã yirãji mani.

<sup>14</sup> No Espíritu Santo ĩ rotiro bajiro yirã, Dios rĩa ñama ñna. <sup>15</sup> Ado robojua bajaia. Espíritu Santo manire queo sãñi Dios. Ito bajiri moari masa ñna ãjure güirã bajiro meje ña mani. Adocãta Dios rĩa ĩre queno cũdirã ña mani. Ito bajiri, “Yũ Jacũ, Cũna”, ya mani Diore. <sup>16</sup> Espíritu Santo mani masiroca yami, “Dios rĩa ña mani”, mani yitoni. <sup>17</sup> ĩ rĩati ñacõri, quenarise ĩ goticãre boca ãmirã yirãji mani. Cristo rãca boca ãmirã yirãji mani, Dios ĩ goticãre gaye. Cristo robo mani tũbujaja, ĩ rãcati mani wanũ quenaroca yigu yiguĩji Dios manire.

*Ija mani boca ãmiroti wanũ* quenare ñaro yiroja, yire gaye

<sup>18</sup> Adi rũmũri ñeñaro mani tũbujaja, “¿No yicõri bujato tũbujati yũ?” yi tuoĩare ma. “Ñeñaro mani tũbujagore rẽtoro ñasarise ña ija ũmacũju mani wanũ quenaroti gaye”, yi tuoĩa yũ. <sup>19</sup> Co rũmũ Dios ado bajiro yigu yiguĩji: “Ána ñama yũ rĩa yũre queno cũdirã”, yigu yiguĩji Dios. ĩ rujeore ñarocõti bũto bocatia, ĩ ito bajiro yirotire. <sup>20</sup> Dios cajero gaye, ĩ rujeore gaye bajiro meje bajaia adi rũmũri. Adi rũmũri jeyaro jogarise riti ña. Ito bajiro rẽtarotire cũsũoyijũ Dios, Adán ĩ ñeñaro yirajũna sũori. Ito bajiro

riti bajitĩña yibetoja. <sup>21</sup> Co r̄m̄m̄ Dios ĩ rujeore ñarocõti quenogũ yiguĩji ĩ m̄c̄cana. Ito bajiri ĩ r̄ĩa ñari m̄c̄cana t̄uđi juaji ñeñaro yimenaji mani. Adı r̄m̄m̄ri jeyaro jogarise riti ña. Ija ĩ wasoari r̄m̄m̄ m̄c̄cana t̄uđi juaji jogabetoja iti. <sup>22</sup> Mani masia, adocãta Dios ĩ rujeore ñarocõti ñeñaro t̄õb̄uja iti. Romio iso mac̄u c̄tiro robo bajiro ñeñaro t̄õb̄uja iti jeyaro. <sup>23</sup> Mani c̄uni Jesure masirã, ñeñarise t̄õb̄uja. Ito bajiri Espĩritu Santo Dios manire queo sãre ñajare, “Ito bero juaji ñeñarise t̄õb̄uja yibic̄uja ĩja ȳu”, yi t̄uoĩa mani. Ito bajiri Dios mama ruj̄u manire ĩ ĩsiroti ruj̄ure, yurã yirãji mani. Iti ruj̄u jogabeto yiroja, ito yicõri ñeñarise t̄õb̄ujabeto yiroja. Ito bajiro ĩ yiri r̄m̄m̄, “ãna ñama ȳu r̄ĩa”, yiḡu yiguĩji. <sup>24</sup> Cristore mani t̄uor̄ũnr̄ajuna s̄uoriti, manire masoñi Dios. Mani t̄uoĩa yurise r̄etagore meje ña. R̄etare gaye t̄uoĩa yu masimenaji mani. R̄etabiti gayereama t̄uoĩa yurã yirãji mani. <sup>25</sup> R̄etabiti gayere t̄uoĩa yurã, “Ito bajiro r̄etaro yiroja”, yi t̄uoĩa yucõri, ñe usirioari meje, bocatirãji mani. Ito yicõri, ñe usirioro meje mani bocatiroca ya iti.

<sup>26</sup> Ito bajiroti Espĩritu Santo manire ejabuami, mani queno masimena ñajare. Diore queno seni r̄ũc̄ub̄uo masibe mani. Ito bajiri Espĩritu Santo manire yiari josa ĩsiguĩji Diore. “Diore ȳu seni ãmobarise queno goti masibe ȳu”, yi mani t̄uoĩarise masicõri, manire yiari busi ĩsigũ yiguĩji ĩ Diore. <sup>27</sup> Mani t̄uoĩarise t̄uo masi jeogu ñari, Espĩritu Santo gotirisere t̄uo masi jeogu yiguĩji Dios. Dios ãmoro bajiroti seni masicõri manire yiari Diore senigũ yiguĩji Espĩritu Santo. Ito bajiri Dios sigũ t̄uo masire gaye busi masigũ ñari manire yiari queno Diore busigu yiguĩji Espĩritu Santo.

*Cristore t̄uor̄ũnr̄ã ñari ñeñarisere r̄etocũrãji mani, yire gaye*

<sup>28</sup> Riti Diore mani maija, “Ī ãmoro bajiro yu yisotitoni yure beseñi Dios”, yi tñoia masia mani. “Jeyaro yure rētarise quenarise ña. Quenarise riti yure rētaroca yigu ñami Dios”, yi tñoia masia mani. <sup>29</sup> Cajerojuti mani ire t̄or̄ñ̄aronare masiñi Dios. Manire beseñi ĩ, ĩ Macu Jesucristo robo mani bajitoni. Ito bajiroti Dios r̄ia ñarã, mani r̄ijor̄u ñami Jesús. <sup>30</sup> Cajerojuti ĩ r̄ia ñaronare manire beseñi Dios. Manire besecōri, “Queno yirã ñama ĩna. Ñe seti ma ĩnare”, yi boca ãmiñi Dios. Manire boca ãmicōri, ĩ Macure ĩ yiado bajiro ñasarã mani ñaroca yigu yiguñi Dios manire.

<sup>31</sup> Iti oca quenarisere tuocōri, ¿no bajiro yirãti mani? Ado bajiro yir̄ja manire: “Dios manire ejabuagu yiguñi, ito yicōri manire jidicābicu yiguñi. Ito bajiri no yibea gãjerã manire ĩna ti teja”, yir̄ja manire. <sup>32</sup> ĩ Macure maibojaguti, manire yiari goda ĩsi rotĩni Dios. Ito bajiri, “Riti ña. Ñe r̄ayabeto, jeyaro quenarise manire yi ĩsigũ yiguñi Dios”, yi tñoia masia mani. <sup>33</sup> Dios manire boca ãmi wacu, “Quenarã ñama ĩna. Ñe seti ma ĩnare”, yiñi Dios. Ito bajiro ĩ yija, noajua gãjerã, “Seti ña ĩnare”, yi masimenaji. <sup>34</sup> Nijua mami, “Īna ñeñaro yirise waja, waja ruyurioama ĩna”, yigu. Mani ñeñaro yirise waja, waja yi jeoñi Jesús. Ito bajiri, “Īnare seti ña”, yibiquñi Jesús. Macana caticōri, Dios ya riojocaduja r̄ucub̄oraju ñaguñi ĩ. Ito yicōri manire yiari Diore busi ĩsiguñi ĩ. <sup>35</sup> Manire b̄uto maiguñi Cristo. Ito bajiri ñimujua manire ĩ mairise jidicāroca yi masibiquñi. Mani yija, ñeñaro t̄ob̄ujarã yirãji gajea. Mani yija, güirã yirãji gajea. ĩna yija, gãjerã manire usirioro yi coderã yirãji gajea. Mani yija, ñiojogarã yirãji gajea. Iti yija, sãñare r̄ayaro yiroja gajea, manire. Mani yija, guijoroju warã yirãji gajea. ĩna yija, gãjerã manire s̄iarã yirãji gajea. Iti jeyaro manire rētabojarocati manire jidicābicu yiguñi Jesús. Manire mai jidicābicu yiguñi.

<sup>36</sup> Ado bajiro gotiyjũ Dios oca goti ĩsiri masũ, ĩ oca tuti uca wacũ:

Mũ ñarã gua ñajare, co rumũ ruyabeto guare gãjerã sĩa ãmoama. Ovejare ĩna sĩarocũ bajiro guare yama, yiyijũ Dios oca goti ĩsiri masũ.

<sup>37</sup> Ñeñaro gua tũbujabojarocati, guare rētocũmena yirãji gãjerã. Cristo manire maigũ ĩ ejabuaja, jeyaro manire rētarise ñemecuti sēorã yirãji mani. Cristore tuorũncõri buto busa tuoĩa oca sēorã yirãji mani.

<sup>38</sup> Disejua Dios manire ĩ mairise jidicãroca yibetoja. “Riti ñaroja iti”, yi tuoĩa yũ itire. Disejua mani catibojaja, mani godabojaja cuni, Dios ĩ mairise manire camotabetoja. Dios ñaro gãna cuni, rũmũa cuni, ãmũa ñasari masa cuni, Dios manire ĩ mairise jidicãroca yi masimenaji. Adocãta rētarise, ĩja rētaroti cuni, Dios ĩ mairise camotaroca yibetoja manire. <sup>39</sup> Mani jubejũ ñabojaja cuni, ãmacũjũ mani ñabojaja cuni, no mani ñaroti Dios ĩ manire mairise jidicãroca yibetoja. Disejua Dios ĩ rujeore manire ĩ mairise camota masibetoja. “Cristo mani Ŝjũ manire ĩ yi ĩsirajũna suoriti buto maiami Dios manire”, yi tuoĩa mani.

## 9

### *Israel sita gãnare Dios ĩ besere gaye*

<sup>1</sup> Yũ gotirise riti ña. Cristore tuorũncũgũ ñari ĩ yagũ ña yũ. Ito bajiri socabea yũ. “Espĩritu Santo ĩ ejabuarisena riojo oca gotia yũ”, yi tuoĩa yũ. <sup>2</sup> “Jesucristore tuorũncũ ãmobeama yũ ñarã”, yi tuoĩacõri buto bojori bũja yũ.

<sup>3</sup> ĩnare maigũ, jeame ãjũrojũ ĩna ware ãmobeama yũ. ĩnare jeame ãjũrojũ Dios ĩ cõame yirocũ, yũjũare ĩ cõa ãmojama camotabitibogũja yũ. <sup>4</sup> ĩna ñama yũ ñarã, Israel ñayorũ janerãbatia. Jane mejejũ ĩnare besebojayijũ Dios ñarã ĩna ñatoni. ĩ masirise, ĩoyijũ Dios ĩnare. Ito yicõri ĩ rotirise cuni ĩnare gotibojayijũ ĩ. “Ado bajiro yicõri yũre mũa

rũcũbũore ãmoa yũ”, yiyijũ Dios yũ ñarã ñasũoanare. “Queno mũare yigũ yigũja yũ”, yiarĩ goti yucãyijũ Dios yũ ñarãre. <sup>5</sup> Yũ ñarã bũcurã ñasũoana janerãbatia ñama ñna. Cristo cũni yũ ya butu gagũti rujeañi. Cristoti ñami Dios, masa ñarocõreti rotigũ. Coji ruyabeto ñre rũcũbũotĩñarũja manire. Ito bajiro riti bajitĩñajaro.

<sup>6</sup> Yũ ñarã, judio masare, Dios oca quenarise ñ gotibojarocati coriarãti ñama ñre bajiro tũoĩarã. “Judio masare Dios ñ goticãdo bajiroti yibeami”, yi tũoĩabitirũja manire. Judio masa rujeabojarãti jeyaro Dios ñarã meje ñarãji ñna. <sup>7</sup> Abraham janerãbatia, ñna ñarocõti, ñ janerãbatia goro meje ñama, Dios ñ tija. Ado bajiro Abrahamre gotiñi Dios: “Mũ macũ Isaac ñ rĩa ñna ñarã yirãji mũ janerãbatia goro”, yiyijũ Dios Abraham ñayorũre. <sup>8</sup> Iti oca tũocõri, “Abraham janerãbatia riti rujearã, Dios rĩa ñama ñna, yireoni meje ña iti”, yi tũoĩa mani. Ado bajirojũa bajaia: Dios ñ goti cũrise tũorũñrã, ñna ñama mũcana tũdi rujeana, ito yicõri Dios rĩa. Ito bajicõri Abraham janerãbatia goro bajiro bajiamã ñna ñja. <sup>9</sup> Ado bajiro goti yucãyijũ Dios Abrahamre: “Ñjaca rodo adocõ tũjarocati wadigũ yigũja yũ. Ito yicõri mũ manojo Sara wame cutigo macũ rucogo yigõji iso”, yiyijũ Dios Abrahamre.

<sup>10</sup> Adiacã riti meje ña. Ado bajiro bajaia gaje. Ñna macũ Isaac jai tũjacõri, Rebeca rãca manojo cutiyijũ ñ. Rĩa sũrũayijo iso. Ito bajibojarocati jacũama sũgũti ñayijũ. <sup>11-13</sup> Iso rũcoroto riojũa, ado bajiro gotiyijũ Dios isore: “Mũ macũ ñasũogũ ñ ocabajire moa ñsiri masũ ñagũ yigũji ñ”, yiyijũ Dios, Rebecare gotigũ. Jane mejejũ ito bajiroti gotiyijũ Dios ñ oca tutina. Ado bajiro bajiyijũ: “Esaũ rẽto bũsaro maia yũ Jacobre”, yiyijũ Dios ñ ocana ñna jũarã rujearoto riojũa. Quenarise, ñeñarise cũni ñna yibetojũ, gotiyijũ Dios itire maji. Ito bajiri, “Dios ñ tũoĩaro bajiro beseami masare. Ñna yigorena sũori meje beseguĩji Dios. Ñ

ãmoro bajiroti beseguĩji”, yi tuoĩa mani.

<sup>14</sup> “Gãjerãre bese, gãjerãre besebiti ĩ yija, ñeñaro yami Dios”, yi tuoĩabojama coriarã. Ito bajirojua meje bajaia.

<sup>15</sup> Dios sġgũti bese masiguĩji ĩ. Ito bajiri ado bajiro yiyijũ Dios, Moissés ñayorũre: “Yũ ãmorãrecõti ĩnare ti maigũ yigũja yũ”, yiyijũ Dios Moissés ñayorũre. <sup>16</sup> Dios queno yami masare. ĩ ti mairo roboti yami. Masa ĩna queno yire ãmoja meje, ito yicõri bũto ĩna moaja meje, ĩ ti mairo bajiro queno yami Dios masare. <sup>17</sup> Ucara tutina ado bajiro yiyijũ Dios Egipto gagũ ẽjũre: “Ujũ mũre cũcũ yũ, mũna sũoriti yũ masirise masare ĩorocũ. Ito bajiro yicũ yũ masa jeyaro yũ gayere ĩna tuo jeditoni”, yiyijũ Dios, Egipto gagũ ẽjũre. <sup>18</sup> Iti tũocõri, “ĩ ti mairãre riti ti maiguĩji Dios. Ito yicõri, ‘Yũre cũdibicũre ĩre cũdibitiroca yigũ yigũja yũ’, yicõri, ĩ ãmoro bajiro yigũ yiguĩji Dios”, yi tuoĩa mani.

<sup>19</sup> Ito bajiro bajija tũocõri, “¿No yija, ‘Mũare seti ña’, yigũ yiguĩjida Dios manire?” yirãji mũa coriarã. “ ‘Dios ĩ ãmoro bajiro yibicũja yũ’, yi masigũ mami”, yirãji mũa. Ito bajiro yũre mũa bũsija, ado bajiro mũare cũdicũja yũ: <sup>20</sup> Ito bajiro bũsibitirũja mũare. “Dios ĩ yire quenabea”, yiado ma mũare. Riri sotũ, “¿No yija yũre ito bajiro yũre meniri mũ?” yibetoja iti sotũ menirore. <sup>21</sup> Riri sotũ meniri maso iso ãmoro bajiroti menigõji. Iti ririnati quenari sotũ iso meni ãmoja, menigõji. Itinati ejori iso meni ãmoja rocati bũsa bajiro menigõji iso ãmoro bajiroti.

<sup>22</sup> Iso yiado bajiroti ĩ ãmoro bajiro yigũ yiguĩji Dios cũni. ĩ masirise ĩo ãmobjagũti ito yicõri masa ĩna tõbũjaroca yi ãmobjagũti, itire yibisijũ Dios. Ado robojua bajaia. “ĩnare ruyuriorũja yũre”, yibojagũti, ñeñaro ĩna tõbũjaroca yi ẽsiribisijũ Dios. <sup>23</sup> Ito bajiro yiĩni Dios, mani ĩ ti mairãre, “ĩti ñami rẽtoro masigũ”, mani yi tuoĩatoni. Cajerojũti manire ti maicõri beseñi Dios, ĩ masirise manire ĩsirocũ.

<sup>24</sup> Mani ĩre tũorũnũtoni, manire beseñi Dios. Mani coriarã

judio masa ña. Gãjerã judio masa meje ñama. Ito bajibojarocati mani ñarocõreti beseñi Dios. <sup>25</sup> Ado bajiro bajia Dios ï yire, Oseas ñayoru ï ucare jane mejeju gaye:

Yu ñarã mejere cuni, “Yu ñarã ña mua”, yigu yiguja yu.  
 “Cajero muare ti maibiticu yu. Adocãta muare ti maia yu”, yigu yiguja yu.

<sup>26</sup> “Yu rã meje ñama”, Dios ï yiadoju, ñnati Dios rã ñarã yirãji. Dios catitñagũ rã ñarã yirãji. Ito bajiro ucayoñi Oseas jane mejeju.

<sup>27</sup> Isaíasju, ado bajiro busiyoyiju, Israel sita gãnare tuoia yugu: “Israel gãna jãjarã busa bujuama. Jai rëtocõcõri, ja sitacõ jãjarã ñama ñna. Jãjarã ñna ñabojarocati coriarãreti masogũ yiguñi Dios. <sup>28</sup> Dios ï goticãdo bajiroti yigu yiguñi. Jãjarã adi macãrucũro gãna masa, ñna ñeñaro yirise waja, ñnare waja senigũ yiguñi Dios. Ito yicõri cojisiti ñnare ruyuriogu yiguñi”, yì ucañi Isaías. <sup>29</sup> Ito yicõri, ucaguti ado bajiro yiyiju Isaías:

Dios masa jeyaro ujũ ñagũ, mani rã sigũre ï masobeto bajija, mani judio masa jeyaro maniboana mani. Dios Sodoma, Gomorra gãnare ï ruyurioado bajiro, manire yiboru, manire sigũ ï masobeto bajija. Ito bajiro yiari ucañi Isaías.

*Cristo ocare judio masa ñna tuo ãmobitire gaye*

<sup>30</sup> Riti ña. Itire tuocõri ado bajiro yi tuoia masia mani: “¿No bajiro yirujati guare, Dios riojo, ‘Quena ña mua’, ï yitoni?” yì tuoïabisjarã judio masa meje ñarã. Ito bajibojarocati, “Queno yirã ñama. Ñe seti ma ñnare”, yigu yiguñi Dios, Cristore ñna tuorũnuja, yì tuoia masia mani.

<sup>31</sup> Yu ñarã, judio masama ado bajiro yì tuoïabojayijarã: “Queno gna yija, ‘Queno yirã ñama’, yigu yiguñi Dios guare”, yì tuoïabojayijarã ñna. Dios ï rotirise ñarocõti, ñna cudibejare, “Queno yirã ñama ñna”, yì masibisiju Dios.

<sup>32</sup> Ado bajiro bajia. Judio masa Diore tuorũnũrã meje



ñayijarã. “Quenaro gũa yirise ticõri, ‘Queno yirã ñama ñna’, yigũ yiguĩji Dios”, yi tũoĩabojayijarã ñna. Cristore boca ãmimena ñari, masa ñna camota cũado bajiro Dios tũ eja masibisijarã ñna. Cristore ñna boca ãmi ãmobeja, gũtagã camotado bajiro bajiami ĩ. <sup>33</sup> Itire ĩ oca tutina ado bajiro bũsiami Dios:

Síon wame cõtiri cõtõjũ Cristore cũa yũ. Gũtagã camotado bajiro bajigũ Cristore cũa yũ. ĩre ñna tũorũnũbeja camotagũ yiguĩji ĩ. Ito bajiri yũ tũ eja masimena yirãji ñna. No Cristore tũorũnũgũti bojori bũjabicũ yiguĩji. Wanũ quenagũ yiguĩji ĩ. Ito bajiroti gotiyijũ ĩ oca tutina, jane mejejũti.

## 10

<sup>1</sup> Tũoya, Jesure tũorũnũrã mũa. Gãjerã yũ ñarã, Dios jeame ãjũroju ĩ cõabore, ĩ masoja, bũto itire wanũ quenagũja yũ. Iti ñna Diore yũ seni tũoĩarise. <sup>2</sup> Yũ ñarã, Israel gãna, Dios ĩ ãmorise ñna tũoĩarisenã bũto yi ãmobojava ñna. Ito bajibojarocati, “Iti ñna ĩ ãmorise”, yi tũoĩa masibeama ñna. <sup>3</sup> “Cristo mani ñeñaro yirise waja yicãñi. Ito bajiri Dios ĩ tija, seti ma manire”, yi tũoĩabeama ñna. “ĩ rotirise gũa cũdija, ‘Queno yirã ñama ñna’, yigũ yiguĩji Dios”, yi tũoĩabojama ñna. Ito bajibojarocati Dios ĩ ãmoro bajiro yibeama ñna. Ito yicõri Diore queno tũorũnũbeama ñna. Ito bajiri, “Queno yirã ñama ñna”, yibiquĩji Dios. <sup>4</sup> Cristo ĩ ejaja bero, ñna sũoriti manire masogũ yiguĩji Dios. Adi rũmũri, no Cristore tũorũnũgũti, “ĩ ñami queno yigũ. Seti macũ ñami”, yiguĩji Dios. Cristo ĩ goda ĩsirajũna sũoriti manire masoguĩji Dios. Ito bajiri, “Dios rotirise mani cũdirajũna sũoriti manire masogũ yiguĩji”, yire ma ĩja.

<sup>5</sup> Moisés ñayorũ jane mejeju ado bajiro bũsiyijũ: “No Dios rotirise ñarocõti cũdigũ catitĩñare bũjagũ yiguĩji”,

yi ucayijũ Moisés ñayorũ. <sup>6</sup> Ito bajibojarocati, sīgũjũa mami Dios rotirisere ñarocõti cũdigũ. Cristore masa ña tuorũnũja ticõri, “Queno yirã ñama ña. Seti ma ñare”, yigũ yiguĩji Dios. Iti ocare ado bajiro gotia manire, Dios oca: “¿Ñimũ ũmacũju tigũ ejayijari? ‘Itoju gagũ wadirũ ñami Cristo’, yi masiana”, yirona. Ito bajiro tuoĩabitirũja mũare. <sup>7</sup> “¿Ñimũ godana tũju ejarũda Cristo ĩ tujaja tirocũ?” yi tuoĩabiticõrũja mũare. <sup>8</sup> Dios oca ado bajiro gotia: “Dios riasore gaye ñacã mũare. Ito bajiri iti riasore gaye masicã mua. ĩ riasore gayere busiyija mua”, yi gotia Dios oca. “Cristore masa tuorũnũre amoguĩji Dios”, yire gaye ña iti oca. Ito bajiro masare riasoa gũa iti oca. <sup>9</sup> “Jesús ĩ godaja bero mũcana tũdi ĩ catiroca yĩni Dios”, mani yi tuoĩaja, ito yicõri “Jesús ñami yũ Ʋju”, mani yija, jeame ũjũroju mani wabore ñaroca manire masoguĩji Dios. <sup>10</sup> Cristore mani tuorũnũja ticõri, “Queno yirã ñama ña. Ñare seti ma”, yigũ yiguĩji Dios. Ito yicõri, “Jesure tuorũnũgũ ña yũ”, yi gãjerãre mani goti rõtobuja, riti Dios ĩ masoana ñarã yirãji mani ĩja.

<sup>11</sup> Ado bajiro gotia Dios oca tuti: “No ĩre tuorũnũrã, ‘Bũjato baja yũre’, yirã mama”, yi gotia Dios oca. <sup>12</sup> Dios ĩ tija judio masa, judio masa mejere cũni, coro bajiroti tiguĩji ĩ. Mani Ʋju ñami ĩ, ito yicõri jeyaro Ʋju. No ĩre senigũre queno yigũ yiguĩji Dios. <sup>13</sup> Dios oca tuti ado bajiro gotia: “No Jesure, ‘Yũ Ʋju ña mũ. Yũ ñeñaro yirisere acabojoya. Jeame ũjũroju yũ wabore ñaroca yũre masoña’, yirã masoana ñarã yirãji”, yi gotia Dios oca. <sup>14</sup> Cristore ña tuorũnũbeja, ĩre seni masimenaji ña. Ito yicõri Cristo gayere ña tuobeja, ĩre tuorũnũ masimenaji ña. Sīgũ ñare Cristo oca riasobeja, masimena yirãji ña. <sup>15</sup> ĩ oca gotirona mani cõabeja, ĩ oca riasorã manaji. Ado bajiro gotia Dios oca: “Dios oca quenarise riasorã, no ña gotiroju masa ña tuoja, wanũ quenarã yirãji ña”. Ito bajiro ucare ñayija

jane mejejutì.

<sup>16</sup> Masa jājarā oca quenarise t̃uobojarāti itire t̃uor̃uñbeama ĩna. Jane mejeju Isaiás ĩ ucado bajiroti baja: “Ỹu ̃ũj̃u, coriarāti ñama mũ ocare t̃uor̃uñurā”, yiyij̃u Isaiás Diore gotig̃u. <sup>17</sup> Cristo oca quenarise ĩna t̃uobeja, itire t̃uor̃uñmenaji ĩna. Cristo ocajuare t̃uos̃or̃uja, ĩna t̃uor̃uñuroto rioj̃u.

<sup>18</sup> Adire mũare senĩag̃u ya ỹu: ¿Israel sita gāna Dios oca t̃uobitianada? T̃uobojana t̃uorea. Dios oca tuti ado bajiro gotia:

Dios oca gotiri masa, masa jeyarore goti jeoñi. Ito yicōri ĩna oca coju r̃uyabeto, t̃uore ña.

<sup>19</sup> M̃ucana mũare jabeto senĩa t̃uogu ya ỹu. ¿Dios oca t̃uobojarāti, queno t̃uo masibisijari Israel sita gāna? T̃uo masibisijarā ĩna. Moisés ñayor̃u ĩti ñami cajero iti oca gayere ucas̃or̃u. Dios ĩ gotiro bajiroti ucayij̃u ĩ. Israel sita gānare Dios ĩ t̃uoĩare gaye gotig̃u ado bajiro ucayij̃u Moisés ñayor̃u:

“ ‘T̃uo r̃etobubeama ĩna’, mũa yirāre, ‘Ỹu ñarā ña mũa’, yig̃u yig̃uja ỹu ĩnare. Ito bajiro ỹu yija, b̃uto rorā yirāji mũa. Ito yicōri b̃uto junisinirā yirāji mũa”, yiyij̃u Dios, yi ucayij̃u Moisés ñayor̃u.

<sup>20</sup> Moisés ĩ ucaja bero b̃uto oca s̃eocōri, ucayij̃u Isaiás. Dios ĩ yiro bajiroti ucayij̃u ĩ c̃uni:

“Ỹure āmabitibojanaj̃u ỹure b̃ujama. Ito yicōri ỹure masi āmomenajuare, ỹure ĩna masiroca yic̃u ỹu”, yiyij̃u Dios judio masa meje ñarāre c̃uni t̃uoĩag̃u, yi ucayij̃u Isaiás ñayor̃u.

<sup>21</sup> Israel sita gāna ĩna bajirisej̃u, Dios ĩ gotirisere ucayij̃u Isaiás: “Co r̃umu r̃uyabeto ĩnare jisotiboja ỹu, ĩna ñeñaro yirisere ĩna jidicātoni. Ito bajibojarocati yiro robo c̃udirā meje ñama ĩna. Ito yicōri ỹure ti terā, tudiana ĩna”, yiyij̃u Dios, yi ucayij̃u Isaiás ñayor̃u.

## 11

*Coriarã Israel sita gãnare Dios ã masore gaye*

<sup>1</sup> “Dios ñarã Israel sita gãna ñnare jidicãcõru”, yire tũoĩati mua? Meje ñnare jidicãbeami. Israel sita gaguti ña yu cuni. Ito bajiri yu ñicu ñasũoruti ñami Abraham ñayoru. Ito yicõri Benjamín ya butu gaguti ña yu. Ito yicõri Benjamín janerãbatia janamiti ña yu. <sup>2</sup> Jane mejeju gua Israel gãnare beseñi Dios, ã ñarã ñna ñtoni. Ito yicõri guare jidicãbeami ã. Dios oca tutiju Elías ñayoru ã oca gayere tiyija mua. Dios rãca busigu, “Israel gãnare seti ña”, yire gaye yiyiju Elías ñayoru. Tite. Ado bajiro yiyiju ã, Diore busigu: <sup>3</sup> “Yu Uju, mure goti ãsiri masare sãayjarã Israel sita gãna. Mure rũcũbuorã ñna soe ãsisotira casabo cuni ruyurioñi ñna. Ito yirã ñari, yure cuni sãa ãmocã ñna. Yu sigũti mu oca gotiri masu catia maji”, yiyiju Elías Diore. <sup>4</sup> Ito bajiro ã yija tũocõri, ado bajiro cãdiyiju Dios: “Mu sigũ meje ña. Siete mil ñarã masa ñnama maji yure rũcũbuorã. Gãjerã ñna meni rujeoru Baal wame cutigure ñini rũjũ rũcũbuo yibiticã ñna”, yiyiju Dios Elías ñayoru. <sup>5</sup> Elías ã ñaratũa, Dios ã beseado bajiroti adocãta cuni Israel gãna coriarãre besejuji Dios, ã ñarã ñna ñtoni. Ñnare ti maicõri ñnare beseñi Dios. <sup>6</sup> Ñna queno yirena sũori meje beseñi Dios. Ñnare ti maicõri beseñi ã. Ñna queno yirena sũori ã besero bajija, ñnare waja yirocu robo beseboru ã. Quenarise ñna yibitibojarocati, ñnare ti maicõri beseñi Dios.

<sup>7</sup> Ado robojua baja. Israel sita gãna, “Queno yirã ñnama ñna”, ã yire ñna ãmobarocati, “Queno yirã ñnama ñna”, yibisiju Dios. Coriarãti Dios ã beseana, “Ñna ñnama queno yirã”, yiyiju Dios. Gãjerãma Dios oca tũo ãmomena ñayjarã ñna. <sup>8</sup> Ñna gayere busia Dios oca tuti. Ado bajiro gotia: “Ñre ãmomenare ã oca ñna tũo masibitiroca yiyiju Dios ñnare. Ito bajiri gãjerã ã ocare ñna gotibojarocati tũo

masibisijarã ãna. Ito bajiroti bajia adi rãmuri cãni”, yi gotia Dios oca tuti. <sup>9</sup> Ado bajiro yiãni David ñayorã Diore: Israel gãna wanã quenarã, basa ãna menirise bojori bãjaroca yiya. Ñna tãoãa bũjatobitiroca yiya. Ito yicõri ãna ñeñaro yirise waja, ãnare waja seniña.

<sup>10</sup> Ñna tão masibitiroca yiya. Sãgũ rũcãrise ãmi wacã robo bajiro, ãna ñeñaro yirise tãniroca yiya mã, yiyijũ David ñayorã Diore.

*Judio masa mejere* cãni Dios ã masore gaye

<sup>11</sup> ¿No bajiro tãoãati mãa? Dios judio masare, ãre ãna ãmobejare, ¿ãnare jidicã ruyuriogũ yiguãjida? Meje ãnare jidicã ruyuriobiqũji Dios. Judio masa Diore ãna ãmobeja, judio masa mejereama masogũ yiguãji Dios. Ito bajiro gãjẽrãre ã masoja ti masicõri, ãmotirã yirãji judio masa cãni. <sup>12</sup> Judio masa Diore ãna cãdibejare, jaje quenarise gaye masa jãjarãre ejayijũ. Judio masa Cristore ãna tãorũnũbejare judio masa mejere cãni jaje quenarise gaye ejayijũ. Ito bajiri Cristore tãorũnũsũoyijarã ãna cãni ãja. Judio masa cãni Cristore ãna tãorũnũja, bũto bũsa masa jeyarore quenarise ejaro yiroja.

<sup>13</sup> Mãa judio masa mejere cãni bũsigũ ya yũ. Mũare Dios oca gotire ña yũre. Mũare yũ riasotoni yũre cũñi Dios. “Iti ña moare ñasarise”, yi tãoãa yũ. <sup>14</sup> Yũ ñarã judio masa, mũare bajiro ãna bajire ãmogũ, itire gotia yũ. Dios mũare masoja masicõri, ãmotirã yirãji ãna cãni. Ito yija Cristore tãorũnũrã yirãji gajea. Ito bajiro ãna yija ticõri, ãnare masogũ yiguãji Dios. <sup>15</sup> Judio masare Dios ã jabeto jidicãrajũ, masa jeyarore oca quenarise cũyijũ Dios, ã rãca ãna queno ñatoni. Ito bajiro ã oca cũyijũ Dios judio masa mejere cãni. Ito bajiri Cristore ãna tãorũnũja Dios ñarã ñarãji ãna cãni. Bũto bũsa quenaroja, judio masa cãni Cristore ãna tãorũnũja. Jeame ãjũroju ãna wabore ñaroca ãnare masogũ yiguãji Dios. Ito bajiri godabojarãti

mucana tudi catirã robo bajirã yirãji ñna. <sup>16</sup> Ado bajiro baja. Jabeto cujabura gaye, boca ãmicõri, Dios ã quenoja, ñarocõti cujabura quena jedicoaro yiroja. Yucugũ ñe, jeyaro iti quenaja, jeyaro rujuri cuni quena jediroja. Ito bajiro bajiyijũ Abraham ñayoru. Queno yigũ ñari, Diore tuorũnyijũ ã. Ito bajiri ã janerãbatia Diore ñna tuorũnũja, queno yirã ñarã yirãji ñna cuni.

<sup>17</sup> Cogũ yucugũ, olivo wame cutiricũ, rujũ jatacõacõri, rocati judiragũ rujũ ãmicõri wõja, cogũ gaye bajiroti bajiroja. Ito bajiroti Dios cuni judio masare cõacõri, judio masa mejere cuni, muare ã ñarã ñtoni cũni ã. Ito bajiri Dios ye quenarise bujacõri gũa judio masa rãca sigũre bajiro bajirã ña mua. <sup>18</sup> Ito bajiro Dios ã yija, “Judio masa rëto busaro queno yirã ña gũa”, yi tuoĩabitirũja muare. “Judio masare mani riojũajũ beseñi Dios”, yire gayere tuoĩaña mua. Cristo judio masũ ã rujearena suoriti muare masoñi Dios. Ito bajiri, “Judio masa rëto busaro queno yirã ña mani”, yiado ma muare.

<sup>19</sup> Mua judio masa meje ñarã, ado bajiro yiborãji gajea: “Judio masare jidicãyijũ Dios, ã ñarã mani ñtoni. Ito bajiri ñasari masa ña mani”, yi tuoĩabobarãji gajea mua. <sup>20</sup> Riti ña, judio masare Dios ã jidicãre. Cristore ñna tuorũnũbejare, ito bajiro yiñi ã, ñnare. Cristore mua tuorũnũbeja, muare cuni cõacõborũ ã. Ito bajiri, “Judio masa rëto busaro ñari masa ña mani”, yi tuoĩabesa mua. “Ñasarã meje ña mani”, yi tuoĩaña mua. Ito bajiro tuoĩacõri, “Queno ya Dios mu”, yiya, ãre rucubũorã. <sup>21</sup> Dios judio masare, cajero ã beseanare ã cõaja, muare cuni cõa masiguĩji ã. <sup>22</sup> “Jaje quenarise gaye yami Dios masare. Ito yicõri masare bũto ñna tõbũjaroca cuni yami Dios”, yi tuoĩaña mua. Ado bajiro baja. ãre rucubũomenare bũto ñna tõbũjaroca yibojaguti muare queno yami. Ito bajiborocati mua ãre rucubũotĩñabeja, muare cuni cõacõborũ

ĩ. <sup>23</sup> Judio masa ĩ cõana, Cristore ĩna tũorũnũja ĩ ñarã ñaroca yigũ yiguĩji ĩ mũcana. ĩ masirisena, ĩ ñarã ñaroca yi masiguĩji mũcana. <sup>24</sup> Judio masa meje mũa ñabojarocati ĩ ñarã bajiro mũare cũñi Dios. Judio masa ñama cajero Dios ĩ beseana. Cajero ĩ beseana meje mũa ñabojarocati josari ĩ ñarã mũa ñaroca yiñi Dios. Judio masa cajero ĩ beseana mũcana ĩ ñarã ñaroca ĩ yija, josari mejeti ñarolja.

*Israel sita gãnare Dios ĩ masosũsare gaye*

<sup>25</sup> Yũ ñarã, masa ĩna masibiticati gayere, mũare gotigũ ya yũ. Dios ĩ beseana ña mani. “Jeyaro masirã ña mani”, mũa yi tũoĩabititoni, iti gaye ocare mũare gotia yũ. Adocãta judio masa jãjarã ñama Diore tũo ãmomena. Ito bajiro bajitĩñamenaji ĩna. Judio masa meje ñarã, Dios ĩ besecãna, Jesure ĩna tũorũnũja ticõri, judio masa cũni Diore ãmorã yirãji ĩna. <sup>26</sup> Ito bajiro judio masa Diore ĩna ãmoja, jeame mũjũroju ĩna wabore ñaroca ĩnare masogũ yiguĩji ĩ. Ito bajiro ucare ña Dios oca tutijũ:

Sĩon wame cõtiri cõtõju ejagũ yiguĩji masare masori masũ. Jacob janerãbatiare ĩna ñeñaro yirisere coegũ yiguĩji ĩ.

<sup>27</sup> Ito bajicõri, ñeñaro ĩna yirise yũ ãcabojoja, jane mejeju yũ goticãdo bajiroti yigũ yigũja yũ, yi gotia Dios oca tuti.

<sup>28</sup> Adocãta judio masa jãjarã Cristo oca quenarise rũcũbũomena jaicoama. Ito bajiri Dios wajana ñama ĩna. Ito bajiro ĩna bajijare, mũa judio masa mejeju tũorũnũsũoa mũa. Judio masa ĩna Diore ãmobitibojaro-cati, ĩjuama ĩnare ti maiguĩji maji. ĩna ñicusabatiare cũni ti maiñi ĩ. Ito bajiri adi rãmũri gãna judio masare cũni ti maiami ĩ maji. <sup>29</sup> “ĩnare besecu yũ. Ito bajiri ĩnare queno yigũ yigũja yũ”, yiyijũ Dios. ĩ goticãdo bajiroti yigũ yiguĩji ĩ. ĩ goticãdo bajiroti jidicãbicũ yiguĩji Dios. <sup>30</sup> Cajero Diore cũdibisija mũa. Judio masa Diore ĩna cũdibeja ticõri,

m̄ajũare maicõri, m̄are masoñi ã. <sup>31</sup> Adocãta judio masa Diore cãdirã meje ñama. Ito bajiro ñna bajibojarocati, m̄are ã ti mairo bajiroti, ija ñnare cãni ti maigũ yiguñji ã. <sup>32</sup> Mani jeyaro Diore cãdimena riti ñacũ mani maji. Ñeñaro mani yi ãmoja manire camotabisĩ Dios. Ito bajiro yiñi, ñeñaro mani yija bero, “Bũto yũre maisacõguñji Dios. Ñre yũ ñeñaro yirise yũ goti r̄etobuja, yũre ãcabojogu yiguñji”, mani yi tũoĩa masitoni.

<sup>33</sup> Quenasacõa. Quenoguti yigu ñami mani Jacũ Dios. Jeyaro masigũ ñami ã, ito yicõri jeyaro tũo masigũ. ã tũoĩarisere masibea mani. Ito yicõri ã yirisere ti masibea mani. <sup>34</sup> Ado bajiro gotia Dios oca tuti: “Ñimũjua Dios ã tũoĩarise tũoĩagũ mami. Ñimũjua Diore riasogu mami. <sup>35</sup> Ñimũjua mami, ‘Diore ãsicũ yũ. Ito bajiri yũre waja ruyurioami ã’, yigu”. Ito bajiro ucare ñayija jane mejejutĩ. <sup>36</sup> Adi sita ñarotire jeyaro rujeoñi Dios. Ñna sũoriti jeyaro ña. Ito yicõri ã ye riti ña. Ito bajiro ã bajijare ñre r̄ũcũbũotĩñacõrũja manire. Ito bajiro riti bajitĩñajaro.

## 12

### *Dios ã ãmorise riti mani yija quena, yire gaye*

<sup>1</sup> Dios manire ti maicõri jaje mani yerotire yiñi. Ito bajiri yũ ñarã Dios ã ãmorise riti yirã ñaña m̄ua. Quenarise riti yiya, ñeñarise yimenati. M̄ua ito bajiro yija, Dios wanũ quenagũ yiguñji m̄ua rãca. Diore mani r̄ũcũbũorise ñre ñorona ito bajiro yirũja mani. Ito bajiro m̄ua yitoni, oca s̄oro m̄are rotia yũ. <sup>2</sup> Diore masimena ñna yiro bajiro yibesa. Mame tũoĩare gaye wasoacõri, quenarise riti tũoĩaña m̄ua. Ito bajiro tũoĩacõri Dios ã ãmorise masirã yirãji m̄ua. “Diore quena ña”, yire gaye masirã yirãji m̄ua. Ito yicõri ã wanũroti gaye cãni masirã yirãji m̄ua. “Iti ña yũre ñasarise”, Dios ye yire gaye masirã yirãji m̄ua.



<sup>3</sup> Yũre ti maicõri ĩ oca mũare gotirocũre yũre cũñi Dios. Ito bajiri ado bajiro mũare gotia yũ. Mani ĩre tũorũnrã ñajare manire moare cũñi ĩ. “Īre yũ moa ĩsi masitoni yũre ejabũagu yiguĩji Dios”, mani yi tũoĩaroca yami Dios. Ito bajiri, “Yũmasi queno Diore moa ĩsia yũ”, yi tũoĩabitirũja manire. Ado bajirojũa mani tũoĩaja quena. “Dios ĩ ejabũarisena riti queno moa masia yũ”, yi tũoĩarũja manire. <sup>4</sup> Mani ya ruju jaje ña. Tite mũa. Āmo, cajea, gãmorõ, gũbo jaje ña mani ya ruju. Co ruju gaye ricati riti moare cutia mani ya ruju. Tite mũa. Cajeana ti, gãmorõna tũo, āmona āmi, gũbona wa ya mani. <sup>5</sup> Ito bajiroti bajaia mani Jesucristore tũorũnrã. Īre tũorũnrã ñari ĩ ya ruju robo bajirã ña mani. Ito bajiri jãjarã ñabõjarãti sũgũre bajiro tũoĩacõri gãmeri ejabũa mani. Ito yicõri mani yagu sũgũ ĩ manija gãmeri godo cutia mani.

<sup>6</sup> Ī āmorõ bajiro mani jeyarore, ricati riti mani moa masĩrotire jidicãñi Dios. Dios manire jidicãre mani moa masĩrisena ĩre queno moa ĩsirũja manire. Dios ĩ oca gotiroti gayere mũare ĩ jidicãja, Cristore mũa tũorũnrõcõ gotija quena. <sup>7</sup> Gãjerãre ejabũare gaye manire Dios ĩ jidicãja, gãjerãre queno ejabũaja quena. Ito yicõri, no riasore gaye boca āmigũ gãjerãre queno riasõja quena. <sup>8</sup> Gãjerã oca sũorõca yi masũgũ, queno yija quena. No gãjerãre ĩ ĩsi āmoja, queno wanũ quenaro jairo ĩsija quena. No rotigũ quenoti rotija quena. No bojori bũjarãre ejabũagu, wanũ quenare rãca ejabũaja quena.

*Cristore tũorũnrã* ado bajiro ñaja quena, yire gaye.

<sup>9</sup> Bũgũti gãjerãre mai ruõbesa. Gãjerãre maisagũti maija quena. Ñeñaro yirere ti tecõri jidicãña. Quenarise riti yi āmoña. <sup>10</sup> Cristore tũorũnrã ñari sũgũ rĩa robo bajiro gãmeri queno ti maiña. Ito bajiro yicõri queno gãmeri rũcũbũõya mũa.

<sup>11</sup> Dios moare gaye mware ĩ cūre t̄oĩa wan̄cōri moaja quena. Diore wan̄rã ĩ ãmoro bajiroti ĩre queno moa ĩsiña m̄a.

<sup>12</sup> “Gware queno yiḡu yiguĩji Dios”, yi t̄oĩa yurã ñari, queno wan̄ quenaro ñaña m̄a. M̄a t̄õb̄ajaja, ñe-mecutiya. Mware oca ñaja, usiriobeja. Ito yicōri Diore busi jidicãbeja m̄a. ĩre m̄a busisotija quena.

<sup>13</sup> Cristore masirã ĩna bojoro b̄ajaja, ĩnare ĩsima. M̄a ya wi ejarãre queno boca ãmima.

<sup>14</sup> Jesure masirã m̄a ñajare gãjerã ñeñaro mware ĩna yija, ñeñaro ĩnare busitubeja. Dios ĩnare queno yitoni, Diore senima m̄a.

<sup>15</sup> Gãjerã queno ĩna wan̄ quenaja, queno corocõ ĩna rãca wan̄ma m̄a c̄ni. Gãjerã ĩna bojori b̄ajaja, cocati bojori b̄ajaba m̄a c̄ni.

<sup>16</sup> Gãjerã jeyarore queno ti mai ñaña m̄a. “ĩna r̄eto busaro queno yirã ña mani”, yi t̄oĩabesa m̄a. “Ñasamena ñama ĩna”, gãjerã yianare c̄ni baba c̄ticōri, queno wan̄ quena ña m̄a. “Gãjerã r̄eto busaro masia ȳ”, yi t̄oĩabesa.

<sup>17</sup> Gãjerã ñeñaro mware ĩna yija, ĩnare gãmebeja m̄a. Quenarise riti yiya m̄a, gãjerã, “Ñeñaro yirã ñama”, ĩna yibititoni. <sup>18</sup> Gãjerã rãca gãmeri ti tudibesa m̄a. Ado bajirojua m̄a yija quena. Queno m̄a yi masirise yiya, masa jeyaro rãca queno m̄a ñatoni. <sup>19</sup> Queno t̄oĩa ȳ ñarã m̄a. Gãjerã ñeñaro mware ĩna yibojarocati ĩnare ñeñaro yibeja m̄a. Mware ñeñaro yirãre ñeñaro ĩna t̄õb̄ajaroca yi masiami Dios, ĩnaõnare. ĩ oca tutina ado bajiro gotiami Dios: “Ȳ ña, masa ĩna ñeñaro yire waja, ñeñaro ĩna t̄õb̄ajaroca yiri mas̄. ĩna ñeñaro yire waja, ĩnare waja seniḡu yiḡuja ȳ”, ȳari gotiami mani Ūj̄ ĩ oca tutina. <sup>20</sup> Gaje ado bajiro gotia Dios oca: “M̄a wajac̄ ĩ ñiocõja, ĩre bare ecaya. ĩ idi ãmoja, ĩre ioia. Ito bajiro m̄a

yija, m̄a wajac̄ ñeñaro yi ãmogũ, m̄are bojobuja tigũ yiguĩji”, yi gotia Dios oca tuti. <sup>21</sup> Gãjerã ñeñaro m̄are ña yibojarocati ñare ñeñaro yibeja m̄ama. Ñare quenarise riti yiya m̄a. Ito bajiro m̄a yija ticõri, ña ñeñaro yirisere jidicãrã yirãji gajea.

## 13

<sup>1</sup> Dioti ñami mani ñjarãre cõri mas̄. Dios ï cõana ñajare, mani ñjarãre yiro robo cãdiruja manire. <sup>2</sup> Ñjarãre ti tujabic̄, ña rotitoni Dios ï cõanare cãdigũõcũ meje ñami ïocũ. Ito bajiro cãdimenare, ña tõbujaroca yigũ yiguĩji Dios. <sup>3</sup> Queno yiri masare güiri masa meje ñama rotiri masa. Ñeñaro yiri masajũare güiri masa ñama rotiri masa. Ito bajiri quenarise riti yiya m̄a. Quenarise riti m̄a yija ticõri, m̄are ti wanãrã yirãji m̄a ñjarã. <sup>4</sup> Mani queno ñatoni rotiri masare cũñi Dios. Mani ñeñaro yija, güirã yirãji mani. “Yũ ñeñaro tõbujaroca yigũ yiguĩji”, yi tũõacõri güirã yirãji mani. Ñeñaro yirãre ña tõbujaroca yironare rotiri masare cũñi Dios. <sup>5</sup> Ito bajiri jãaji tũõare gaye tũõacõri rotiri masare ña yiro bajiroti cãdirona ña mani. “Yũ cãdibeja ticõri, yũ tõbujaroca yigũ yiguĩji Dios”, yi tũõarã cãdija quena. Ito yicõri, “Yũ cãdija iti ña queno yire gaye”, yi tũõacõri, ña yiro bajiroti cãdiruja manire. <sup>6</sup> Rotiri masa ña moarise yiro robo ña moaja, Diore yiari moa ïsirã yama ña. Ito bajiro ña yitoni ñare cũñi Dios. Ito bajiri rotiri masa ña waja senija, ñare waja yija quena.

<sup>7</sup> M̄a waja ruyuriorãre cõni waja yiya. Ñjarã ye niyeru seni ïsiri masare waja yiya. Gaje ñjarã ña waja yirotiya, ña rotiro bajiroti waja yiya. Ito yicõri ña yiro bajiroti yiya m̄a. M̄a ñjarã ñarocõreti r̄ucubũoya. <sup>8</sup> Gãjerãre waja ruyuriobesa. S̄gũre r̄yabeto gãmeri ti maisotiya. Ito bajiro gãmeri m̄a ti mairise jidicãbeja m̄a. No ï tũ gãnare ti maigũ, Dios ï rotirise cãdiguti ñami ïocũ

ija. <sup>9</sup> Dios ĩ rotirise ado bajiro gotia: “Gāji manojore ajebesa. Gājerāre sĭabesa. Rinibesa. Ito yicōri gāji ya gajeonire ti űobesa”, yi gotia Dios ĩ rotire. Dios ĩ rotirise űarocōti ado bajiro riti gotia: Gājerāre mŭa ti maija, ĩnare űeņaro yimenaji mŭa. Ito yicōri ĩnare mŭa ti maija, Dios ĩ rotiriserere cŭdi jeorā űarā yirāji mŭa. Ito bajiri mŭamasiti mŭa mairo bajiroti, mŭa tŭ gānare cŭni ti maiņa. <sup>10</sup> No ĩ tŭ gānare ti maigŭ, ĩnare űeņaro yibicŭ yiguĭji. Ito bajiri mani tŭ gānare mani ti maija, űarocōti Dios ĩ rotirise cŭdirā űarā yirāji mani.

<sup>11</sup> Dios ĩ rotiro bajiro riti yirŭja manire. űamicajŭ űa ĩja. Nocō mejeti mani Ŭjŭ ejagŭ yiguĭji manire āmi warocŭ. Ito bajiri űa yucārŭja manire. Cajero ĩ oca mani tŭorŭnŭja, “Co rŭmŭ tŭdi ejagŭ yiguĭji Jesŭs”, yi tŭoĭacŭ mani. Ito bajibojarocati adi rŭmŭ, “Nocō mejeti rŭya manire ĩ masogŭ ejaroto”, yi tŭoĭa masia mani ĩja. <sup>12</sup> Adocāta űami bajiro baja, masa űeņaro ĩna yija. űami rēta wajŭ, nocō mejeti mani Ŭjŭ ĩ tŭdi ejaroti rŭmŭ ejaro yiroja. Itocōti ejagŭ yiguĭji ĩ. Ito bajiri űeņaro mani yire gayere jidicārŭja manire. Gājerā rāitĭarojŭ űeņaro ĩna yiro bajiro yibitirŭja manire. Ado bajirojŭa yirŭja manire. Quenarise riti yirŭja, busuro űarā queno ĩna yiro bajiro. <sup>13</sup> Quenarise riti yirŭja manire, masa ĩna tiro riojo queno mani yiro bajiro. Basa ĩna meniroyŭ wabitirŭja manire. űeņaro ĩna ajerojŭ mecubitirŭja manire. Gāji manojore ajebitirŭja manire. Mani ya rujŭ űeņaro iti tŭoĭaro bajiroti űeņaro yibitirŭja manire. Gājerāre tudibitirŭja manire. Gājerā mani rētoro ĩna masija ticōri, ĩnare ti junisinibitirŭja manire. <sup>14</sup> Ado bajirojŭa mani yija quena. Mani Ŭjŭ Jesu-cristore tŭorŭnŭrŭja manire. ĩti űami manire ejabuagŭ, mani űeņaro yibititoni. Ito bajiri ĩ ejabuarisena mani ya rujŭ űeņaro iti tŭoĭaro bajiroti yi űyabitirŭja manire.

## 14

*Cristore* tuorünnräre busitubesa, yire gaye

<sup>1</sup>Queno Jesure tuorünusabicu ñabojaguti sīgũ mua rāca ĩ ña āmoja, ĩre boca queno āmiña mua. “Ito bajiro bajigu ñami”, yi ti masicōri ĩ rāca gāmeri busi tuoĩabeja ñasabitire. <sup>2</sup>Ado robojua baja ñasabiti gaye. Coriarā Jesure masirā, “Jeyaro mani baja cuni quena ña”, yi tuoĩama ĩna. Gājerā queno Jesure masisamenama, “Waibucu ri ba jidicārũja. Ote gaye riti mani baja quena”, yi tuoĩama ĩna. <sup>3</sup>Ñarocōti jeyaro barā, gājerā ba jidicāräre busitubiticōrũja ĩnare. Ito bajiroti ba jidicārũja cuni, jeyaro baräre busitubiticōrũja. Cristore tuorünucōri, Dios ñarā ñama ĩna ĩja. Ito bajiri ĩnare busiture ma. <sup>4</sup>Jesure tuorünnrā, Diore moa ĩsiri masa ñama ĩnaõna. ĩna ujarā meje ña mua. Dios ñami ĩna uju. Ito bajiri Dios ĩna uju ñari, “Queno ya mua yure”, ito yicōri, “Queno yibea mua yure”, yiguĩji ĩ. Dios sīgũti ĩre moa ĩsiri masare ĩna queno yitoni yi masiami.

<sup>5</sup>Coriarā Jesure masirā ado bajiro tuoĩama: “Adi rumu Diore rucubwora rumu ñasari rumu ña gaje rumu rētoro”, yi tuoĩama ĩna. Gājerāma ado bajiro tuoĩama: “Co rumu ruyabeto corocō Diore rucubworuja mani”, yi tuoĩama ĩna. Mani jeyaro sīgũ ruyabeto, “Yu yisotire, ñeñarise meje ña”, yi masirũja manire. <sup>6</sup>Sīgũ, “Adi rumu ña ñasari rumu”, yi tuoĩagũ, ito bajiro yami mani Ujare rucubwogu. Gāji, “Co rumu ruyabeto corocōti ña”, yi tuoĩagũ, ĩ cuni Diore rucubwore gayeti ito bajiro yami. Gāji jeyaro bagu, Diore rucubwocuti bami ĩocũ cuni. ĩ baja, “Queno ya Dios mu”, yiguĩji ĩ. Gāji waibucu ri ĩ ba jidicāja, ito bajiro yami ĩ cuni Diore rucubwogu. “Queno ya Dios mu”, yiguĩji ĩ cuni.

<sup>7</sup>Mani Cristore masirā, mani tuoĩarise riti yi āmorā meje ña mani. Ito bajiri, “Yu āmori rumu godacũja yu”,

yimenaji mani. <sup>8</sup> Mani catirocõ, mani ʘjũ Cristo ı̄ ãmoro bajiro yirona ña mani. Ito yicõri ı̄ ãmorocõ godarãji mani, ı̄ rãca ñarona. Ito bajiri mani catija cuni, mani godaja cuni Cristo ñarã ña mani. <sup>9</sup> Ado robojũa baja. Cristo godacõri mũcana tudı catiñi godarã ʘjũ ñarocũ, ito yicõri catirã ʘjũ ñarocũ cuni.

<sup>10</sup> ¿No yija gãjerã Jesure masirãre seti yiati mũa? ¿No yija gãjerã Jesure masirãre ñeñaro tũoĩa bũsiati mũa? Mani ñarocõti Cristo riojo ñarã yirãji mani, mani queno yigore, mani ñeñaro yigore cuni, ı̄ cõĩatoni. Iti masicõri mani ñarãre, “İnare seti ña”, yibitirũja manire. <sup>11</sup> Ado bajiro gotia Dios oca tuti:

Catia yũ. Ito bajiri yũ gotirise riti ña. Masa jeyaro yũ riojo, rijomunigãna ñini rũjũrã yirãji, yũre rũcũbũorona. Sıgũ ruyabeto, “Dios ña mũ”, yirã yirãji, yi gotia Dios oca tuti.

<sup>12</sup> Iti tũocõri, “Mani jeyaro sıgũ ruyabeto, jeyaro mani yigorore Diore goti rẽtorã yirãji mani”, yi tũoĩa mani.

*Cristore tũorũnrãre ı̄na jidicãroca yibesa, yire gaye*

<sup>13</sup> Ito bajiri gãmeri bũsitubiticõrũja manire. Ado bajirojũa quenarise riti yirũja manire. Ito yicõri mani rãca gãna Cristore masirã, ı̄na ñeñaro yiroca yimenaji mani.

<sup>14</sup> Yũama Cristore masigũ ñari, “Jeyaro yũ baja quena ña”, yi tũoĩa yũ. “Iti yũ baja, ñeñarise ña”, yi tũoĩabojaguti ı̄ baja, ñeñaro yigũ yami ı̄ocũ. <sup>15</sup> Sıgũ Cristore masigũ, “Rẽore gaye ña”, ı̄ yi tũoĩarise mani baja ticõri, bojori bũjagũ yiguĩji gajea. Ito bajiri ı̄ bojori bũjaroca mani yija, ı̄re ti mairã meje ña mani. İnaõnare yiari cuni goda ı̄siñi Cristo. Ito bajiri sıgũ Cristore masigũ mani baja ticõri, Cristore ı̄ jidicã ãmoja, babiticõrũja itire. <sup>16</sup> “Gũa yirise quena ña”, yi mũa tũoĩabojarocati, “Ñeñaro yama ı̄na”, yi gãjerã mũare ı̄na bũsituja, yibeja itire. <sup>17</sup> İre tũorũnrãre riti ı̄ rotirojũ miojugũ yiguĩji Dios. Ito bajiri mani barise

cuni, mani idirise cuni ñasarise meje ña. Mani ʘju ĩ rotiro bajiro mani cudiya, iti ña ñasarise. Ito yicōri gājerā rāca queno mani ñaja, iti ña ñasarise. Espiritu Santo mani wanu quenaroca ĩ yija, iti cuni ñasarise ña. <sup>18</sup> Cristo ĩ āmoro bajiroti mani yija, “Queno yirā ñama ĩna”, yigu yiguĭji Dios. Ito yicōri masa cuni ito bajiroti yirā yirāji.

<sup>19</sup> Ito bajiro yiruja mani, gājerā rāca ñe oca manoti queno mani ñatoni. Ito yicōri gāmeri ejabuato mani, Cristore bato busa tuorūnana yirona. <sup>20</sup> Sigū, “Rēore gaye bama ĩna”, yi wacu Diore ĩ jidicā āmoja, babitiruja mani. Bare jeyaro mani baja quenarise ñaroja. Ito bajibojarocati gāji, “Rēore ña iti”, yi wacu, mani baja ticōri, Cristore ĩ jidicā āmoja, babitiruja mani itire. <sup>21</sup> Gāji Cristore masigū, rēore gaye mani baja ticōri, ito yicōri uyé ide mani idija ticōri, Cristore jidicāgū yiguĭji gajea. Ito bajiri Cristore ĩ jidicābititoni, jeyaro rēore gaye babitiruja manire. Ito yicōri idire idibitiruja manire. Mani yirise ticōri, Cristore ĩ jidicā āmoja, yibitiruja mani itire. <sup>22</sup> “Jeyaro yu baja quenaroja”, mani yi tuoĭaja, Diore riti gotija quena. No, “Yu yisotirise quena ña Dios ĩ tiro riojo”, yi masigū, wanu quenagū ñami ĩocū. <sup>23</sup> No, “Yu baja quenabetoja iti”, yi masibojaguti, ĩ baja, seti ñaroja ĩre. “Yu baja quenabetoja gajea”, yibojaguti, ĩ bajare seti ñaroja ĩre. “Yu yija quenabetoja gajea”, yibojarāti, mani yija, seti ñaroja manire.

## 15

*Mani ñaroti gaye riti meje tuoĭaja quena, yire gaye*

<sup>1</sup> Mani Diore queno tuorūnrā, gājerā queno Diore tuorūnusamenare ejabuaruja manire, ñeñaro ĩna yibititoni. “Rēore ña”, ĩna yi tuoĭare gaye yibiticōruja mani. Ito yicōri mani wanuroti gaye riti yibitiruja manire. <sup>2</sup> Ado bajirojua yiruja manire. Mani tu ñarāre ĩna wanu quenaroca

yiruja manire. Ito yicōri ĩnare queno yiruja mani, Diore bato busa ĩna tuorunutoni. <sup>3</sup> Cristo cuni ĩ rioti ĩ wanuroti gayere yibisĩ ĩ. Ado robojua bajiyija. Dios oca tuti ucare bajiroti rētayija. Ado bajiro yiyijũ Cristo, ĩ Jacure: “Jeyaro ñeñarise mure ĩna busigoreti, yure rētacũ ĩja”, yi ucare ñayija jane mejejutĩ. <sup>4</sup> Jane mejeju Dios ĩ busigore ucare ñayija. Quenarisejua mani yi riasotitoni bajiyija iti. Ito bajiri itire mani riasotija, ñeñaro tōbujabojarāti usiriomenati ñemecuticōrãji mani. Ito yicōri queno wanũ quenarã yirãji mani. “Dios ĩ goticãdo bajiroti jeyaro rētaroyiroja”, yi tuoĩa yucōri, queno wanũ quenarã yirãji mani. <sup>5</sup> Dios ñami mani ñemecutiroca yigũ, ito yicōri mani tuoĩa oca seoroca yigũ. Sīgũre bajiro mua tuoĩa wanuroca yijaro ĩ, Cristo ĩ ãmoro bajiro. <sup>6</sup> Mani Hju Jesucristo Jacũ Diore mua rucubũotoni, ito bajiro yijaro Dios mware. Ito yicōri sīgũre bajiro usi cuticōri, “ĩ ñami rētoro masigũ”, mua yi tuoĩatoni, ito bajiro yijaro Dios mware.

*Judio masa meje* cuni Pablo Cristo oca ĩ gotire gaye

<sup>7</sup> Cristo manire ĩ boca ãmiado bajiroti, gãjerãre boca ãmiña mua cuni. Ito bajiro mua yija, masa mware tirã riti, “Queno yigũ ñami Dios”, yirã yirãji ĩna. <sup>8</sup> “Adi macãrucũrojũre judio masare ejabũagũ wadiñi Cristo”, ya yũ mware. Ito bajiro yiñi Cristo, “Jane mejeju gãnare Dios ĩ goticãdo bajiroti yiñi”, mani yi masitoni. <sup>9</sup> Gaje ado bajiro wadiñi Cristo. “Masare ti maigũ ñari rētoro queno yigũ ñami Dios”, judio masa meje cuni ĩna yi masitoni, ado wadiñi Cristo. Dios oca tuti iti gotiado bajiroti ado bajiro gotiñi Cristo Diore:

Judio masa meje tuoro riojo, “Mu ña rētoro masigũ”, yi mure rucubũogũ yigũja yũ. Mure rucubũogũ mũ wame basa seacũja yũ, yiyijũ Cristo Diore. Ito bajiro yi ucare ñayija jane mejejutĩ.

<sup>10</sup> Ito yicōri gaje ado bajiro ucare ña:



Mua judio masa meje cuni, Dios ñarã judio masa rãca wanu quena ña mua, yari ucare ñayija.

<sup>11</sup> Ito yicõri ado bajiro ucare ñayija gaje:

Judio masa meje, ito yicõri masa jeyaro, “Rẽtoro queno masigũ ñami Dios, ito yicõri rẽtoro queno yigu ñami Dios”, yi rucubũojaro ñna, yi ucare ñayija.

<sup>12</sup> Isaías ñayoru ado bajiro ucañi:

Isaí ñayoru janerãbatia janami sigũ rujeagu yiguñji. Judio masa meje yu ñagũ yiguñji i. Ñre tuorũnucõri, “Manire masogũ yiguñji”, yirã yirãji ñna, yi ucare ñayija.

<sup>13</sup> “Dioti ñami manire masorocu”, yi tuoña mani. Ñre senia yu, mua ñre tuorũnucõri queno corocõ mua wanu quenatoni, ito yicõri queno corocõ mua ñatoni. Gaje ñre senia yu. “Espiritu Santona suoriti manire masogũ yiguñji”, yi mua tuoña wanutoni Diore senia yu.

<sup>14</sup> Yu ñarã, queno yirã ña mua, ito yicõri Cristo gayere queno masirã ña mua. Ito bajiri gãmeri riaso masia mua. Yi tuoñasacõa yu itire. <sup>15</sup> Ito bajibojarocati adi paperana muare oca são busaro gotia yu. Ito bajiro muare ya yu, mua tuogore mua tuo bujatoni, ito yicõri mua acabojabititoni. Sãoro muare papera cõa yu, Dios yure ti maicõri ito bajiro i cũjare. <sup>16</sup> Mua judio masa mejere cuni Cristo oca quenarise riasotoni yure cũñi Dios. Cristore tuorũnũjaro ñna, yirocu muare riasocu yu. Adocãta ñre tuorũnũrã ñari Espiritu Santona suoriti Dios ñarã ña mua ñja. Ito bajiri queno wanu quenacõri muare boca amigũ yiguñji Dios. Itire tuoñagũ muare riasoa yu.

<sup>17</sup> Jesucristore tuorũnucõri Diore moa ñsia yu. Ito bajiri wanu quenacõri, “Jesucristo i ejabuarisena Diore queno moa ñsia yu”, yi tuoña yu. <sup>18-19</sup> Iti riti muare gotia yu. Yure ejabuañi Cristo, mua judio masa mejere cuni ñre mua cãdiroca yu yitoni. Yu riasore gaye tuocõri, queno

yũ yire gaye ticõri, ito yicõri Espõritu Santona sũoriti tiyamani yũ yija ticõri, Cristore tũorũnyija mũa ãja. Nũaro bajiroti Cristo oca quenarise riasocũ yũ. Jerusalẽnjũna yũ goti wadija, gaje cũtori jeyaro goticõri, Iliriajũ goti ejacũ yũ itire. <sup>20</sup> Cristo gaye ãna tũoĩamena ñarojũ, Cristo masare ã masore gaye ãnare riasogũ wasoticũ yũ. Gãjerã ãna riasocãdojũre, riasogũ wa ãmobiticũ yũ. <sup>21</sup> Ito bajiro yũ yija, Dios oca tuti iti ucado bajiroti bajicũ. Ado bajiro gotia:

Í oca tũobitiana tũorã yirãji. Ito yicõri tũo rõtoburã yirãji, yi ucare ñayija.

*Romajũ* Pablo ã wa ãmore gaye

<sup>22</sup> Jaje cũtori yũ riaso ucure ñajare mũa tũ wa ãmობო-jagũti wa masibiticũ yũ maji. <sup>23</sup> Adi sitajũre moare tũocoa yũ ãja. Canũ meje mũa tũ wa ãmობოjagũti, wa masibiticũ yũ maji. Ito bajiri adocãta mũa tũ wacũ ya yũ ãja. <sup>24</sup> Espaũajũ wacũ, mũare ti rãta wacũ yigũja yũ. Mũa rãca yũ wanũ quenaja bero yũre mũa ejabũare ãmoa yũ, Espaũa yũ eja masitoni. <sup>25</sup> Ito bajibojarocati cajero Jerusalẽnjũ wacũ ya yũ maji, Cristore tũorũnũri masare niyeru ãmi wacũ. <sup>26</sup> Macedonia sita gãna, ito yicõri Acaya sita gãna cũni, ado bajiro tũoĩayijarã ãna: “Jerusalẽn gãna Jesure masirã, bojoro bũjarã yirãji coriarã. Ito bajiri niyeruna ãnare ejabũarũja mani”, yi tũoĩayijarã ãna. Niyeru mio-jucõri yũre ãsicã ãna. Ito bajiri iti niyeru Jerusalẽn gãnare ãsigũ wacũ ya yũ. <sup>27</sup> Macedonia sita gãna, ito yicõri Acaya sita gãna, judio masa meje ñabojarãti, “Jerusalẽn gãna judio masare, ãnare ejabũarũja mani”, yi tũoĩayijarã ãna. Cajero maji judio masa mejere cũni Dios masare ã masore gaye riasoyijarã judio masa maji. Ito bajiri adocãta judio masa meje ñarã judio masa bojoro bũjarãre, ejabũaja quena. <sup>28</sup> Jerusalẽn gãna Jesure masirãre iti niyeru yũ ãsija bero, Espaũajũ wacũ mũare ti rãta wacũ yigũja yũ. <sup>29</sup> Mũa

tũ ejacõri Cristo gayere yũ riasoja, mũa wanũroca yigũ yigũji Cristo.

<sup>30</sup> Yũ ñarã Cristore tuorũnurã ña mũa. Ito yicõri Espiritu Santona suoriti gãmeri ti maia mũa. Ito bajiri yũre yiari Diore mũa senitoni muare usirio codea yũ.

<sup>31</sup> Judea gãna Jesure masimena yũre ñeñaro ñna yibititoni, Diore bũsi ñsiña mũa, yũre yiari. Ito yicõri gaje ado bajiro Diore seniña, Jerusalén gãna Cristore masirã, bũto wanũ quenacõri, yũ niyeru ãmi warise ñna boca ãmitoni. <sup>32</sup> Ito bajiro yũre yiari mũa bũsi ñsija, Dios ñ amorõ bajiroti mũa tũ wanũ ejagũ yigũja yũ. Ito yicõri queno usi cuticõri gãmeri ejabũarã yirãji mani. <sup>33</sup> Mani sajari oca cutiroca yigũ ñami Dios. Mũa rãca ñatĩñajaro Dios, ya yũ. Ito bajiro riti bajitĩñajaro.

## 16

### *Quenajaro masa, Pablo ñ yi ñucare gaye*

<sup>1</sup> Mani yago Febe wame cutigo mu tũ ejago yigõji. Queno yigo ñamo iso. Cencrea wame cutiri cutõ gãna Jesure masirã rãca Diore yiari moa ñsiri maso ñamo iso.

<sup>2</sup> Jãjarãre ejabũañi iso. Ito yicõri yũre cũni ejabũacõ iso. Mani Hjure tuo mairã ñari, isore queno boca ãmima mũa. Mani Cristore masirã ñari, gãjerã Cristore masirãre mani gãmeri boca ãmija quena. Ito bajiri isore boca ãmicõri, jeyaro mũa ejabũarocõ isore ejabũaba.

<sup>3</sup> Quenajaro Aquila, ito yicõri ñ manõjo Priscila cũni. Jesucristo gaye yũ riasotoni, queno yũre ejabũacã ñna.

<sup>4</sup> Yũre gãjerã sã amorã ñna josaja, yũre ejabũabõjari godacõbocã ñna. Ito bajiri, “Quenoguti yicã ñna”, ya yũ ñnare. Yũ sīgũ meje, “Queno yicã”, ya yũ. Judio masa meje cũni Cristore masirã, ito bajiroti yama ñna cũni. <sup>5</sup> Quenajaro, Diore rãcũbũrona Aquila ya wi minijuarã. Quenajaro yũ rãca gagũ yũ baba, Epeneto cũni. Ñ ñami cajero Asia

sita gagu Cristore tuorũnũsũorũ. <sup>6</sup> Quenajaro mani yago María cuni. Yoari mua rãca moañi iso. <sup>7</sup> Gua comasi ñarã cuni, Andrónico, ito yicõri Junias cuni, Quenajaro. Ñna rãca tubiara wijũ ñacu gua. Ito yicõri yũ riojua busa Cristore tuorũnũsũoñi ñna. “Queno yirã ñama Andrónico, ito yicõri Junias cuni”, yama Cristo i cũana.

<sup>8</sup> Quenajaro yũ baba Ampliato cuni. Mani Uju yagu i ñajare bũto ñre maia yũ. <sup>9</sup> Quenajaro Urbano cuni. Mani rãca Cristore moa ñsigũ ñami i. Quenajaro yũ baba yũ maigũ Estaquis cuni. <sup>10</sup> Quenajaro Apeles cuni. Jeyaro i moagore ticõri, “Cristore queno tuorũnũgũ ñami i”, yi tũoĩa mani. Quenajaro Aristóbulo cuni, i ya wi gãna ñarocõti. <sup>11</sup> Quenajaro gua comasi, Herodiõn cuni. Quenajaro Narciso cuni, i ya wi gãna ñarocõ Cristore masirã cuni. <sup>12</sup> Quenajaro Trifena, ito yicõri Trifosa cuni. Ñna romia jũarã ruje moacã mani Uju Jesure yiari. Quenajaro mani yago Pérsida cuni. Iso cuni ruje mani Ujũre yiari moacõ. <sup>13</sup> Quenajaro Rufo cuni. Masa jeyaro, “Bũto Cristore tuorũnũgũ ñami i”, yama ñna. Quenajaro i jaco. Yũ jacoõcõti ñamo iso cuni yũre. <sup>14</sup> Quenajaro Asíncrito, Flegonte cuni, Hermas cuni, Patrobas cuni, Hermes cuni. Ito yicõri ñna rãca Cristore tuorũnũrã ñnacõti quenajaro. <sup>15</sup> Quenajaro Filólogo, Julia cuni, Nereo cuni, ito yicõri i ocabajio cuni, Olimpas cuni. Ito yicõri ñna rãca Cristore tuorũnũrã ñnacõti quenajaro.

<sup>16</sup> Mani comasi Cristore masirãre queno wanũcõri gãmeri boca ãmima mua. Cristore tuorũnũrã ñarocõti, “Quenajaro”, yama mũare.

<sup>17</sup> Yũ ñarã ado bajiro gaje mũare gotigu ya yũ. Coriarã ñama masa batatoni oca menirã. Ito yicõri Jesús gayere ñna riasoja, mua tuogore bajiro meje riasoama ñna. Ñnare mua tũoja, “Roya”, yirocu mũare gotia yũ. Ñnare camotadiya mua. <sup>18</sup> Mani Uju Cristore yiari meje moama ñna.

Ĩna tuoĩaro bajiroti yama ĩna. ĩna busija, buroti quenarise bajiro ruyua. Quenarise meje ĩa iti. Ito bajiri queno tuo masimena ĩna busirisere tuorũnubojama ĩna. <sup>19</sup> “Dios oca queno cadirã ĩama ĩna”, yama masa jeyaro mũare. Ito bajiri mũare wanũa yũ. Quenarise gaye riti mũa yire ãmoa yũ. Ito yicõri cojirea ñeñarise mũa yimena ñare ãmoa yũ. <sup>20</sup> Dioti ĩami mani queno corocõ ñaroca yigũ. Nocõ mejeti rũmũa ɸjũ Satanásre mũa rētocũroca yigũ yiguĩji Dios mũare. Mani Ɔjũ Jesucristo queno mũare yijaro.

<sup>21</sup> Yũ rãca moagũ Timoteo, “Quenajaro”, yami mũare. Ito yicõri gũa comasi Lucio, Jasón cuni ito yicõri Sosípater, “Quenajaro”, yama ĩna mũare.

<sup>22</sup> Yũ Tercio, Pablo ĩ rotiro bajiro adi papera menia. Yũ Jesure masigũ ñari, mũa Jesure masirãre, “Quenajaro”, ya yũ.

<sup>23</sup> Gayo cuni, “Quenajaro”, yami mũare. ĩ rãca ĩ ya wijũ ña yũ. Ado ĩ ya wijũ Jesure masirã minijuasotiamã ĩna. ĩna cuni, “Quenajaro”, yama mũare. Ito yicõri Erasto, adi cuto gagũ niyeru seori masũ, “Quenajaro”, yami mũare. Ito yicõri mani rãca gagũ Cristore masigũ Cuarto wame cutigũ “Quenajaro”, yami mũare.

<sup>24</sup> Mani Ɔjũ Jesucristo, mũa ñarocõ jeyarore queno mũa ñaroca yijaro. Ito bajiro riti bajitĩñajaro.

*Diore rũcubũorũja manire, Pablo ĩ yisusare gaye*

<sup>25</sup> Diore rũcubũorã ñari, “Queno yigũ ĩami ĩ. Rētoro masigũ ĩami ĩ”, Diore yi rũcubũorũja mani. ĩ ocare queno mũa tuorũnũja, mũa tuoĩa oca sēoroca yi masiguĩji Dios. Iti oca ña, Cristo masare ĩ masore gaye, yũ riasorise. Cajerojuti jane mejejũ masare riasore meje ñayija iti. <sup>26</sup> Ito bajibojarocati adocãta masirãji masa itire, Dios oca gotiri masa itire ĩna ucajare. Masa jeyaro iti oca tuorũnũcõri ĩna cuditoni, Dios catitĩñagũ, iti oca riasore gaye cõañi.

<sup>27</sup> Jesucristore t̃orũnũrã ñari, “Bũto masigũ ñami Dios. Ñ s̃gũti ñami jeyaro masigũ”, yi r̃ũcũbũotĩñarũja manire. Itocõ ña.

Dios Oca Tuti  
New Testament in Macuna

copyright © 2012 Wycliffe Bible Translators, Inc.

Language: Macuna

Translation by: Wycliffe Bible Translators, Inc.

Copyright Information

© 2012, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Macuna

**© 2012, Wycliffe Bible Translators, Inc. All rights reserved.**

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-08-06

Updates

eBible.org

---

PDF generated using Haiola and XeLaTeX on 17 Nov 2018 from source files dated 2 Sep 2018

2581ee54-739f-5595-8d44-83c638ed667b